

四庫全書

史部

欽定四庫全書

方輿勝覽卷四十四

宋 祝穆 撰

淮東路

揚州

江都  
泰興

建置沿革

禹貢淮海惟揚州唐虞淮海之間皆州域也于天文為斗牛之分星紀之次春秋時屬吳故吳城邦溝通

江淮後屬越越後屬楚秦屬九江郡漢為荆王國又為吳王國  
景帝更江都國武帝更廣陵國東漢為廣陵郡三國初屬魏後  
屬楚西晉屬廣陵郡宋改為南兖州北齊改東廣州後周為吳  
州隋唐為揚州皇朝陞節度安撫今統郡九領縣二治江都

本路安撫制置司

事要郡名廣陵 江都 淮海 維揚 蕪城 邗城 僧皎然詩別渚望邗

城風俗江南之氣躁勁 元和郡志云云故曰揚州 土俗輕揚 孔六帖李濟翁謂其云云故名

揚州扑而不爭 廣陵志其俗云云有學而好文 富庶甲天下 通鑑唐昭宗曰揚州云云故稱揚一益二俗

喜商賈 唐書李襲譽傳云揚州江湖大都會云云不事農 遷徙貿易皆出揚州 沈存中云自淮南之

西大江之東南至五嶺蜀漢十一路百州一一一之人往還一  
一一一之下舟車日夜灌輸京師者居天下之七。容齋隨筆唐

鹽鐵轉運使揚州判官多至數十人故稱揚一益二杜牧之有  
春風十里珠簾捲之句張祐詩有十里長街市井連月明樓上看

神仙本朝承平百七十年尚不能 形勝據淮距海 秦少游揚州集序北一一東南

及唐之什一今日真可酸鼻也 距海江湖之間盡有其地王觀揚州賦曰  
南踞于距海之澌北壓乎長淮之流 枕江臂淮 王觀揚州賦曰揚州古都會也

云云與益部號為天下望故有唐以來節鎮首稱揚益也

**重江複關**

文選鮑昭登廣陵城作蕪城賦云云之險四會五達

之

**士甚平曠**

南齊地理志云云刺史每以秋月出海陵觀濤

**江左大鎮**

通典云云莫過荆揚。宋書割荆江

置郢州議江左以來以揚州為根本

**東南佳麗**

廣陵志序長淮之區綿亘數百里揚其都會也迷樓九曲鳳池螢苑之名

甲於前代而十里珠簾二十四橋風月之景尤為一一以至春風蕩城郭滿耳沸笙歌與夫重城向夕絳紗萬戶珠翠填咽於街陌

者又天下所無也

**土產芍藥**

王觀序云有三十二種。蘇子瞻志林揚州一一為天下冠蔡繁卿為守始作萬花會用

花十餘萬枝既殘諸園又吏因緣為姦久亦必為民患也會當有罷之者錢惟演為留守始置驛貢洛花識者鄙之此官妾愛君之意也。孔武仲一一譜云州宅舊有一一廳在

都廳後聚一州絕品於其中今鎮淮堂是也

**山川浮山**

去地纔高三尺

二寸其狀似鐵不生草木

**大銅山**

在江都縣西北七十二里漢書吳王濞即此山鑄錢其處也

**崑崙山**

一名廣陵

鮑君蕪城賦拖以漕渠軸以金銀池又河圖括地象曰一一山橫  
為地軸此陵交帶崑崙故曰廣陵也。權德輿廣陵行云廣陵實

佳麗隋季此為京八方

蜀崗

舊傳地脉通蜀或曰一一

大江

在江都縣

南四十五里郡國志西北自六合縣界流入舊濶四十餘里昔魏  
文帝登廣陵觀兵戎卒數十萬旌旗數百里臨江見波濤洶湧歎

曰吾武騎萬隊何所用之嗟乎固天地所以限南北也。晉元帝  
以祖逖為奮威將軍豫州刺史渡江中流擊楫而誓曰祖逖不能

清中原而復濟者有如大江辭色壯烈。江面舊有揚子鎮與京  
口對岸而瓜洲乃江中一洲耳故潮水悉通城中李紳與李頎詩

云鷗鷁山頭片雲晴揚州城裏

揚子江揚廷秀詩天將天塹護吳天不數教函百二關萬里

銀濤奔鐵甕一雙玉塔表金山旌旗隔岸淮南近鼓

伊婁河

即揚子鎮

以南至江運河也潤州刺史齊漸所開自隋以前未  
有此河濶唐時江濱始積沙至二十五里故穿此河南泠水

李秀卿至

維揚逢陸鴻漸李白聞陸君別茶揚子——又殊絕二妙千載  
一遇命軍士謹畏者入江取——及至陸以杓揚水曰江則江  
矣非——臨岸者乎既而傾——及半陸又以杓揚之曰此似南冷  
者矣使者蹶然曰其自——賈至岸舟蕩覆過懼其眇挹岸——增  
之處士乃神覽  
也其敢隱焉  
茱萸灣 郡國志云在江陽縣東北九里隋仁壽四  
年開以通漕運其側有——村故名又吳

王澡嘗開茱萸灣 坡詩——  
溝以通海陵倉灣口 猶屢送  
淮口 王介甫望淮口詩白烟瀾漫  
接天涯黯黯長空一道斜有

似錢塘江上望晚 瓜洲渡 在江都縣南四十里江濱昔為——村  
潮初落見平沙 蓋揚子江中之沙磧也沙漸漲出其狀

如瓜接連揚子江口民居其上唐為鎮今有石城三面——為——  
介於江淮之間南之瀟湘北走秦隴○鄭谷詩揚子江頭揚柳春

揚花愁殺渡江人數聲風笛離亭晚君向瀟湘我向秦○孟浩然  
揚子津望京口詩北固臨京口夷山近海濱江風白浪起愁殺渡

頭人○揚廷秀過——鎮詩夜愁風浪不成眠曉渡清平却宴然  
數捧金缸過江步一檣霜月到淮舡佛狸馬死無遺骨河亮臺傾

只野田土人云金主亮辛巳南下築臺望江誅  
死其上下北休兵三十載桑疇表瓏正連天  
邦溝左傳哀公九年吳城

通江淮注云於邦江築城穿溝東北射陽湖西北至末口入淮通  
糧道也今廣陵韓江是。郡縣志云合瀆渠在江都縣東二里昔

吳王夫差將伐齊北霸中國自廣陵城東南築邦城下掘深溝謂  
之邦江亦曰一一自江東北通射陽湖今謂之官河亦謂之山陽

濁又云漕河貫在江都縣東北六十里接高郵雷塘在州  
城中即一一也蕃薇溝永安港耆舊云昔之一一村也

十里場帝平昔遊之多從宮人故時耕出寶釵焉蘇子瞻詩云一  
一水乾未黍滿寶釵耕出餘鸞龍。場帝葬其上羅隱題場帝陵

詩入郭登橋出郭舡紅樓日日柳年年君王忍把平陳業只換雷  
塘數頃田。唐李襲譽為刺史引一一水灌田故又名雷陂

新塘在城外紹定間以張燈之夕敗逆賊李全於此露布有云奮  
幟麾軍開關延教實精兵於堡寨蹙商虜於一一其後又云

羣戈既奮遂春郵瞞之喉井泉蜀井在蜀崗上井水最宜煎茶。  
異服空遺俱識智高之面蘇子瞻詩剗覓一崗新一水

○蘇子由詩信脚東遊十二年甘泉香稻憶埽田行逢——恍如  
夢試煮山茶意自便短綆不收容盥濯紅泥仍許置清鮮早知鄉  
味勝為客遊官何須更着鞭。秦少游次韻蜀岡秀氣蓄多年故  
有清泉發石田乍飲肺肝俱藻雪久窺杖屨亦清便炊成香稻流  
珠滑煮出新茶潑乳鮮坐使二  
堂舍平山堂  
在州城西北大明寺  
側慶歷八年二月歐

陽公來牧是邦為堂於大明寺蓮之坤隅江南諸山拱列簷下若  
可攀取因目之曰——沈括為記。洪邁撰——後記云揚  
為州最古南傳海北捷淮井而方之蓋萬里後世華離瓠折殆且  
百郡獨廣陵得昂其名故常稱巨鎮為刺史治所為總管府為大  
都督府為淮南節度使方唐盛全蜀尚列其下有揚一益二之語  
入本朝事權雖衰而太守猶一道鈐轄安撫使品其域望他方莫  
與京也迷樓九曲珠簾十里二十四橋風月登臨氣緊政以突兀  
今古茲堂最後出前志謂江南諸峰植立攔戶且有摩領接若可扳  
取山既佳而又歐陽實張之故聲壓宇宙如揭日月搢紳之東西  
以身不到為永恨意謂層城闡風中天之臺抑末耳然餘百年間

屢盛屢歇瓦老木腐因之以傾侈薦之以兵革而禾黍離離無復一存荒烟白露蒼莽滅沒使人意象蕭然誦山色有無之句付之三嘆而已吳興周琮復興是堂。王介甫詩云城北橫崗走翠虬一堂高視兩三州淮岑日對朱欄出江岫雲齊碧瓦浮墟落耕桑公豈弟杯觴談笑客風流不知峴首登臨處壯觀當時有此不。蘇子瞻一次王居卿韻高會日陪山簡醉狂言屢發次公醒酒如人面天然白山向吾曹分外青江上飛雲來北固檻前修竹憶南屏六朝興廢餘丘壘空使姦雄笑寧馨。蘇子由詩堂上平看江上山晴光十里對凭欄海門僅可一二數雲夢猶吞八九寬簷外小棠陰蔽芾壁間遺墨尚沈瀾人亡坐覺風流動遺構仍須子細觀。秦少游次韻揀宇高開古寺間盡收佳處入雕欄山浮海上青螺遠天轉山南碧玉寬雨檻幽花滋淺淚風巵清酒漲微瀾遊人若論登臨美須作淮東第一觀。劉原父詩蕪城此地遠人寰甚盡借江南萬疊山後歐公在翰林原父出守公作朝中措詞餞之有曰平山攔檻倚晴空山色有無中手種堂前楊柳別來幾度春風文章太守揮毫萬字一飲千鍾行樂直須年少樽前看取

衰翁。蘇子瞻西江月三過————下半生彈指聲中十年不見  
老仙翁壁上龍蛇飛動欲弔文章太守仍歌揚柳春風休言萬事

轉頭空未轉  
頭時已夢

淮海堂

在州宅

四并堂

韓忠獻建于郡圃

谷林堂

在大明寺元祐中建。郡

守蘇子瞻詩深谷下窈窕  
窈高林合扶疎是也

館驛水館

李紳宿揚州——詩舟依淺浦參差合橋映晴虹上下連輕櫂

過時搖水月遠燈繁處隔秋烟却思海嶠還悵歎近  
涉江濤更凜然閒凭欄干指星漢尚疑軒蓋在樓舡

臨都驛

唐白居易

詩揚子江頭月  
————裏登

亭榭斗野亭

東坡秦觀孫覺黃庭堅蘇子由米芾皆有詩。黃魯直詩維斗天司南其

下百瀆傾盤礴淮  
海間風烟浸十里

九曲亭

按圖志藝祖之破李重進也駐蹕九江池上有龍鬪於池今有————在

池上。鮮於侁廣陵雜詩序煬帝奏樂于此地初帝欲幸江都命  
樂府撰水詞九曲工人王令言謂子曰此曲無宮聲又無回韻汝必

不還又蘇子由————詩嵇老清彈怨廣陵隋家  
水調寄哀音可憐————遺聲盡只有一池春水深無雙亭  
與后土廟瓊花

相對歐陽公名摘星亭秦少游次韻崑崙左右兩招提中起孤高雉堞西不見燒香成宿霧虛傳裁錦作障

泥螢流花苑飛星亂苔滿蕪城綠髮齊長憶凭欄風雨後斷虹明處海天低。障泥事見李商隱隋宮詩樓閣文選樓

王觀揚州賦曰帝子久去兮空文選之樓迎仙樓高駢建。羅隱詩云仙境是誰

知處所人間摘星樓在城西角江淮空自造樓臺鎮淮樓在南城上規摸甚壯賞心樓孔

六帖云揚州有雲山閣呂申公公著守維揚建詩見秦觀注寺觀法雲寺謝安故宅劉禹錫有雙檜

詩禪智寺杜牧留題雨過一蟬噪飄蕭松桂秋青苔滿階砌白鳥故遲留暮靄生深樹斜陽下小樓誰知竹西路歌吹是

揚州。羅隱春日獨遊詩遠樹連天水接空幾年行樂舊隋宮花開花謝長如此人去人來自不同鸞鳳調高何處酒吳牛蹄健滿

車風思量只合騰騰石塔寺小說載王播少孤貧客揚州木蘭院隨僧齋粥僧厭苦之飯後擊鐘其後

醉者海平陳盡夢中

播鎮揚州訪舊處題詩曰上堂已了各西東慚愧闍黎飯後鐘後  
二紀播出鎮是邦向所題已碧紗籠之矣乃續云三十年來塵撲  
面如今始得碧紗籠。蘇子瞻云世傳王播飯後鐘詩蓋揚州一  
院事也詩云飢眼眩西東詩腸忘蚤晏雖知燈是火不悟鐘非  
飯山僧異漂母但可供一莞胡為三十年記憶作此訕齋厨養若  
人無益祇遺患乃知飯後鐘闍黎蓋具眼又有石塔試茶詩云禪  
憲麗午景蜀井出水雪坐  
客皆可人昂器手自潔 蕃禧觀即古之后土廟有瓊花擅天下  
無双之名香如蓮花清馥可愛  
○唐詩紀事云揚州唐昌觀玉藥花折有仙人遊或云唐所植即  
李衛公所謂玉藥花也康駢劇談錄謂有女子遊其下○劉禹錫  
詩玉女來看玉樹花異香先引七香車攀枝弄雪時回首驚怪人  
間日易斜○雪藥瓊絲滿院春羽衣輕步不生塵君平簾下徒相  
問長伴吹簫別有人○玉藥天中樹金閨昔共窺落英閒舞雪密  
葉作低帷後約韶華遠前惟歲月移今來想顏色還似憶瓊枝○  
王元之云揚州后土廟有花一抹潔白可愛且其樹大而花繁不  
知實何木也俗之謂瓊花因賦詩以狀其態云春冰薄薄壓枝柯

分與清香是月娥忽似暑天深澗底老松擊雪白婆娑。劉遵父云自淮南遷東平移后土廟瓊花植於濯纓亭此花天下獨一株爾永叔為揚州作無雙亭以賞之彼土人別號八仙花或云李衛公所賦玉蘂即此也詩云淮海無雙玉蘂花異時來自八仙家魯人未覩天中樹乞與春風賞物華

古跡故城

羅隱題故都詩江南江北兩風流一作迷津一拜侯畢竟不如隋煬帝破

家猶得到揚州。孟遲廣陵城詩紅逸高樓綠逸城邊春草傍墻生隋家不向此中盡汴水應無東去聲。郭隸知揚州以為一。泥高下臨四面國初李重進始夷而改卜今相距三十里處勢畢滌遭金襲暇則圍在掌股中金主之來厥咎可鑒請即遺址築兩壕相通轉餉緩急足以相赴為九曲池即建樓為籌邊登高舒眺見百里秋毫以杜他日伏戎之患三塘既豐運河常溢卓為上

隋宮

李義山一詩紫泉玉殿鎖烟霞欲取蕪城作帝家玉壘不綠崑日角錦帆應是到天涯於今腐草無螢火終古垂

揚有暮鴉地下若逢陳

玉鈎斜

挂苑叢話唐李蔚自大梁移鎮淮後主豈宜重問後庭花海見郡寡勝遊之地命于戲馬亭

西連——道葺亭名之曰騎鶴仙太平廣記有四人各言所願

賞心坡詩路失玉鈎芳草合騎鶴仙甲曰願多財乙曰願為揚州太守丙曰願為仙丁曰願腰纏十萬貫騎鶴上揚州蘇子瞻詩曰野無佩犢子府有——

揚州蘇子瞻詩曰野無佩犢子府有——  
揚眈於遊燕有獄市之譽宣宗聞除崔鉉為代以詩送之有一方獄市喜來蘇之句揚州押衙傳希聞之即教習——以迎崔公

郊公頗  
街之  
迷樓九曲廣陵志揚州建新宮成帝幸之曰若使真仙遊此亦自當迷。杜牧詩煬帝雷塘路迷藏有舊

樓誰家唱水調明月滿揚州駿馬宜閑出  
千金好暗遊喧闐醉中少半脫紫貂裘 珠簾十里承平時東南之士試京師

取高第往來皆經維揚其詞曰王京此去春猶淺正雪絮馬頭零亂嫦娥剪就綠雲袍待來到蟾宮與換來年三月桃花岸掉雙漿

浪平烟暖揚州十里小紅樓盡捲上珠簾一半。杜牧詩娉娉嫋嫋十三餘荳蔻梢頭三月初春風——揚州路捲上——總不知

吹臺琴室徐湛之為南兗州刺史 水亭獨孤及有——泛舟望月

引宋齊兵於一一屏語獨置大爐相向坐不言  
以畫灰為字隨即滅去故所謀入莫得而知

東府齋

梁宣城王為揚州刺史

史顧野王及王褒為賓客野王好丹青於東府  
起齋令野王畫七賢命王褒書贊稱為兩絕

二十四橋

隋置並以城門坊市

為名後韓令坤省築州城分布阡陌別立橋梁所謂一一者  
或存或廢不可得而考。杜牧之寄韓判官詩雲山隱隱水迢迢

秋盡江南草木凋一一明月夜玉人何處教吹簫。歐公自  
揚州移汝西湖詩云綠艾紅蓮盡舸浮使君非復憶揚州都將一

揚州作詩曰一一亦何有換此十頃玻璃風

三十六陂

在江都縣

王介甫題西太乙宮壁  
一一春水云云

皂角林

紹興金兵南下劉琦自淮陰回軍瓜洲金將高景山以兵十萬直擣

瓜洲琦伏於一一破金兵斬景山。揚廷秀詩云水漾霜風  
冷客襟苔封戰骨動人心河邊獨樹知何木今古相傳一一雙

檜在法雲寺張祐詩謝家双植本南榮樹老人亡地變更朱頂鶴  
知深蓋偃白眉僧見小枝生高臨月戶秋雲影靜入風簷夜雨

輦縱使百年為上壽

綠陰終借暫時行

酒肆柱間詞

黃魯直謂州東酒肆或書詞云秋風吹渭水落葉滿長安黃塵

車馬道獨清閑自然爐鼎虎繞與龍盤九轉丹砂就琴心三疊藥

宮看舞胎仙便萬釘寶帶貂蟬富貴欲薰天黃梁炊未熟夢驚殘

再遊漁浦廬山後有醉道士於廣

名宦韓信

漢人為楚王

董仲舒

出為江都

相

張綱為守張嬰等寇亂揚徐綱單車之職

謝安

築新城偃

謝玄

領廣陵相

何遜

為揚州法曹廨舍有梅花盛開遜吟詠其下後居洛思梅因請再往至適梅花方盛遜對之彷徨終日遜嘗有梅詩云兔

園標物序驚時最是梅衝霜當路發映雪凝寒開香浮却月觀花

逸凌風臺應知先百卉故逐上春來以月觀風臺為揚州勝景故

也

李德裕

父吉甫年五十一出鎮淮南五十四自淮南復相及德裕鎮淮南後入相一如父之年

杜牧

性疎放會

丞相牛僧孺出鎮揚州辟節度掌書記唯以遊宴為事揚州勝地

也每重城向夕樓上常有絳紗燈萬數輝耀空中九里三十步街

珠翠填咽邈若仙境牧常出沒馳逐其間初無虛夕有街卒三十易服隨後潛護之僧孺之密教也而牧自謂人不知之及召拜僧

孺餞之發一書麓乃街卒之密報也悉曰某夕杜書記過某家無恙杜鴻漸唐宋遺史劉禹錫為蘇

一宴醉歸宿傳舍既醒見二妓在側驚問之乃曰郎中席上與司空詩因遣某等問其詩何言曰高髻雲鬟宮樣粧春風一曲杜

韋娘司空見慣渾閒事惱亂蘇州刺史腸皇朝陳升之為守高麗遣使入貢所經州縣

所得地圖微其規模供造及圖至聚而焚之鄒浩字志完嘗為教授呂申公守維揚命

翰林學士將何如鄒答曰使為翰林學士則可為國子司業則不可後首薦之韓琦魏公守維揚王介甫

假寐日已高亟上府多不及盥漱魏公意其年少夜飲謂公曰少年毋廢書不可自棄公不答退而言曰韓公非知我者及魏公薨

介甫有挽詩曰幕府少年今白髮傷心無路送靈輻又有望揚州詩云落日平村一水邊蕪城掩映祇蒼然白頭追想當年事幕府

青衫最少年猶不忘前事也。魏公自樞副出守維揚初夏郡圃  
芳藥盛開忽於叢中得黃綠菴者四朶土人呼為金繫腰云數年  
間或有一二不常見也魏公開宴時王岐公珪監郡王荆公安石  
為幕官陳秀公升之初授衛尉丞忽經由公召同賞各簪一朶其  
後四人相繼皆登歐陽修與魏公為代有手帖云廣陵幸導遺矩  
宰輔果花瑞也

里以至大明井瓊花二亭此呂公著公守維揚蘇子瞻自黃岡移  
三者拾公之遺以繼盛美云呂公著汝海經從見公公置酒終日

不交一語子瞻昏睡歌者唱夜來陡覺羅衣薄子瞻驚覺小語云  
夜來走却羅巫博也歌者匿笑後子瞻書歌者團扇公見之亦無

語蘇軾東都事畧軾喜作詩言者妄誅以龍圖閣學士晁補之  
知穎州徙揚州俄以兵部尚書召還兼侍讀

知揚州无咎作倅子瞻作點絳唇詞云獨倚胡床庾公樓外峯千  
朶誰與同坐明月清風我別乘一來有唱終須和還知麼自從添

个風月晁詠之子之道蘇子瞻知揚州無咎為倅以其弟詩文獻  
平分破晁詠之子瞻子瞻曰有才如此獨不令識一面耶詠之時

以蔭入官為揚州司法未上具參軍禮入謁  
子瞻下堂挽而上之謂坐客曰此奇才也

韓世忠

紹興四年烏珠與大帥托

卜嘉合三路兵並進自泗取揚步兵自楚取高麗塵覆飛鳥時建  
康鎮江淮東宣撫使一一自鎮江濟師親提隊騎以當淮泗之

鋒伐木為柵自斷歸路會朝廷遣魏良臣使金至維揚世忠置酒  
送別杯未再行世忠曰有詔移屯守江乃微炊饗班師良臣喜疾

馳出境世忠乃上馬令軍中曰視吾鞭所向四面並  
進金大半乞降凱旋論者以此舉為中興武功第一人物陳琳魏

祖謂琳所草張祐客淮南幕中赴宴時杜紫微為支使坐中有屬  
擻能愈頭風張祐意處索骰子賭酒收之微吟曰骰子遠巡裏手

拈無因得見玉纖纖祐應聲曰但李邕唐人未冠見李嶠自言李  
知報道金釵墜彷彿還應露指尖李邕奇書未讀願一見祕書李

善邕之子李紳唐撫言李紳鎮揚州謂章孝標賦春雪詩云六出  
注文選李紳花飛處處飄粘牕拂砌上寒條朱門到曉難盈尺

盡是三軍淳於棼家廣陵宅南有古槐夢至大槐安國王以女妻  
喜氣銷之命理南柯郡凡二十載卒葬於盤龍山遂覺

因尋古槐下穴可容一榻上有土壤為城郭臺殿之狀有蟻數斛  
即槐安都邑也南枝則郡也腐龜則山也一穴盤屈若龍蛇狀有

小塚隆然即盤龍崗也蔡墓今在  
縣北十里俗呼為南柯太守墓  
徐鉉與韓熙載齊皇朝張方平

天性穎悟凡書皆一閱終  
身不再讀屬文未嘗起草  
秦觀字少游高郵人呂申公守維揚以

客其上公素聞秦才名即煩撰樂語云雲山簷楹接晴空公宴初  
開氣鬱蔥照海旌旗秋色裏激天鼓吹月明中香槽旋滴珠千顆

歌扇驚團玉一叢二十四橋  
人望處台星已在廣寒宮  
呂溱溱應舉作鯢化為鵬詩九霄

見之升為第一時有三  
魁謂一一王昴李易也  
名賢陳瓊遭紹聖崇寧黨錮之禍與任伯

家子弟奉遺命丘壠  
對封於西山之下  
題詠揚州隋故都武元衡詩云云海雲助兵

氣韋應物詩雄藩鎮楚郊地勢鬱宮堯雙旌擁萬戟中有潮吞海

門石

劉長卿氣混京口雲云

秋色上蕪城

劉長卿寒潮落瓜步云云

紅旆擁雙節

白居易送牛僧

獨鎮揚州坐移丞相閣春入

煙花三月下揚州

李白送孟浩然之廣陵故人西辭黃

鶴樓云云孤帆遠影碧山盡惟見長江天際流

蒜山晴日照揚州

獨孤及詩蕪城西眺極滄流漠漠春煙暗曙樓

瓜步早潮催建業云云

維揚景物勝西川

杜荀鶴詩見說西川景物繁云上青春花柳樹臨水白日綺羅人上

夜市千燈照碧雲

王建詩云云樓高紅袖容紛紛如今不似承平日猶自笙歌徹晚間

故人多在

芙蓉幙

杜荀鶴維揚冬末寄幙中二從事江上數株桑棗樹自從離亂更荒涼那堪旅館經殘臘抵把空書寄故鄉典盡客

衣三尺雪鍊精詩句一頭霜云云應笑孜孜道未光

江甕海門帆散出

羅隱開元寺閣工作滿檻山川漾落暉檻

前舊事去如飛雪中雞犬劉安過月裏笙歌煬帝歸云云地吞淮口樹相依紅樓翠幙知多少長向東風有是非

五馬雙

旌何處逢

劉長卿詩眇眇雲山去幾重依依獨聽廣陵鐘明朝借問南來客云云

灞陵殘雨夢依依

趙嘏送盧緘歸揚州詩曾向畚塘寄掩扉荀家燈火有餘輝關河日暮望空切揚州渡頭人獨歸隋苑荒臺人裏裏云云今年春色

還相誤為我江頭謝釣磯

春風十里珠簾捲

黃魯直早春過廣陵詩云云髣髴三生杜牧之紅藥梢頭初繭栗揚

州風景鬢成絲

淮南二十四橋月

黃魯直詩云云馬上時時夢見之想得揚州醉年少正圍紅袖寫烏絲

飛

雪堆盤膾魚腹

黃魯直次王定國揚州見寄韻云云明珠論斗煮雞頭

團臍紫解脂填腹

蘇子

瞻揚州以土物寄少游詩鮮鯽經年醜醜云云後春萼出滑如酥先社薑芽肥勝肉鳧子縈纒何足道點綴盤飧亦時欲淮南風

俗事瓶罌方法相傳竟留蓄且同千里寄鵝毛何用孜孜餓麋鹿

四六

光奉宸綸

維今重鎮

廣陵奧區

開大幟府

方輿勝覽

十一

惟江都之舊壤

眷揚楚之重鎮

載惟南渡財賦之淵

亦海道之要衝

據吳越之通塗

尤藉東淮醞茗之利

分淮海之巨屏

昔號往來之會

禹別九州斯為奧壤

控東南之要津

今當守禦之衝

唐分十道是曰大邦

海陵於焉而致敗

李全即此以就誅

練卒勵兵固藩籬於江面

龍蛇飛動重尋歐子之詩

出師擣賊壯聲遠於邊頭

貔虎鼓行尚繼韓王之績

竹西歌吹遙瞻刺史之居

萬竈雲屯盡屬元戎之節制

山東掇書行入詩人之詠

羣兇風靡皆驚大將之威名

靜而固境或為牽制之謀

歌珠簾十里之詩畧無舊觀

動以除禿直作掃清之舉

和風笛數聲之句空有羈情

分閫令嚴肯作棘門兒戲

數百萬騎之甲兵頓聞奏凱

平戎捷奏當符爪步童謡

二十四橋之風月靜聽傳更

韓忠獻之規模惟歐公而可繼

蘇東坡之風月非晁子而莫分

淮海維揚州襲夏后平成之號  
江吳大都會為唐朝繁盛之區

方輿勝覽卷四十四

欽定四庫全書

方輿勝覽卷四十五

宋 祝穆 撰

真州

揚子六合

建置沿革

禹貢揚州之境為斗牛之分星紀之次春秋為吳楚二國之境五代並屬揚州偽吳置迎鸞鎮國朝太祖

陞迎鸞鎮為建安軍尋以揚州之永正縣隸焉又割揚州之六合縣併隸於軍六合本楚之棠邑也真宗以鑄聖像成陞為真州淳化始建漕臺或兼大使後又陞為儀真郡今領縣二治揚子

淮東轉運置司

事要郡名儀真

見前沿革注

白沙

見名宦門陳德林注

風俗其俗躁勁

郡國志云云

市

井荒陋郡志屢經焚掠云云民以魚鹽為業同形勝望於淮右壯觀

亭記朝廷次第郡茅簷草屋未盡葺也當東南之水會見後歐陽公東園記江淮一都會司馬君實送吳

邑固已一一一一一當東南之水會見後歐陽公東園記江淮一都會司馬君實送吳

處厚知繫年錄梁大江奔流壯觀亭記一一日夜羣山古今秀峙

真州序揚祖云云大江奔流壯觀亭記一一日夜羣山古今秀峙

羅列目前應接不暇山川橫山在揚子西三十里方山隋朝六瓜步山鮑昭

雄凌清瞰遠擅奇含秀小銅山去揚子縣二十里相赤岸山其

巖與江岸數里土色皆赤羅君章詩云六合山即定山在縣

一若朝霞郭景純江賦云鼓洪濤於一六合山北八十里其

山有六峰相接連吳敏白巖泉達磨在揚子縣西北自胥浦

觀音兩巖序巖巖之秀殆非淮南有蜀岡至江都界並謂之

以其來揚子江在揚子縣南運河在城南其胥浦詩話總龜子胥

遠也揚子江與鎮江分界運河在城南其胥浦詩話總龜子胥

遠也揚子江與鎮江分界運河在城南其胥浦詩話總龜子胥

遠也揚子江與鎮江分界運河在城南其胥浦詩話總龜子胥

遠也揚子江與鎮江分界運河在城南其胥浦詩話總龜子胥

五馬渡

在宣化山之陽為建康徃來津渡之要晉五王南渡於此

回軍渡

在六合縣藝祖皇帝以舟師伐李璟于

瓜步振旅凱旋因名云

瓦梁堰

即滁塘也王嶽謂滁河而上數百里鉅細駢比合五十四流輻湊於此

亭圃壯

觀亭

在城北五里山之頂米元章書榜有賦云壯哉江山之觀也又詩云邀賓一一不辭寒玉立風神氣上干欲識謝公清興

處千山萬嶺雪漫漫

谿陰亭

在縣東范氏園蘇子瞻嘗有詩

東園

施正臣許子春為發運使作。歐陽永叔記云

真為川當東南之水會所謂一一者流水橫其前清池漫其右高臺起其北臺吾望以拂雲之亭池吾俯以澄虛之閣水吾泛以畫舫之舟啟其中以為清讌之堂闢其後以為射賓之圃芙蓉萼芡荷之的歷幽蘭白芷之芬芳與夫佳花美木列植而交陰此前日之蒼煙白露而荆棘也高臺巨桶水光日景動搖而下上其寬閑靚深可以答遠響而生清風此前日之頽垣斷塹而荒墟也嘉時令節州人士女嘯歌而管弦此前日之晦冥風雨鼪鼯鳥獸之噪音也吾於是信有力焉。王介甫詩十年徧歷人間事却繞新花認

故叢南北此身知幾日山川長

在淚痕中蔡君謨書時謂三絕

舫齋在州治頗深廣

寺觀長蘆寺

元在鎮章

獻明肅太后少隨父至京師長老勉之入京及垂簾聽政長老已往後問所需曰一一無三門后乃以本閣服用器物成之淳熙十二年徙於滁口山之東。劉邠詩云越船吳商倚萬撓紺園

金刹起中霄魚龍聽法因多雨江海歸心每上潮林黑夜深燈影

白川平天濶梵聲遙心知水陸俱調伏惜取靈犀不用燒。王介甫舟過詩云木落草搖洲渚昏泊舫深閉雨中門回燈抵欲尋歸

夢兒女紛紛解笑言。黃魯直阻風入一一詩福公開百室不借鄰國權法筵森龍象天樂下管弦我來雨花地依元薰爐煙金

碧動江水鍾魚到客舫茗椀洗昏著經行數阻年歲寒風落山故鄉喜言旋林回負赤子白璧乃可捐持親如履水風雨森暗川

永定寺

在六合縣其北有芳草澗。韋應物過一一詩云獨憐幽草澗邊行上有黃鸝深樹鳴春潮帶雨晚來急野渡無

人舟儀真觀

祥符間司天臺言建安軍西山有旺氣詔即其地自橫鑄聖像時有青鸞白鶴景雲盤繞爐冶之處詔建

一一一立青  
鸞白鶴亭

名臣唐王績

為六合丞以周易老子置林頭他書罕讀也著五斗先生傳醉鄉記自號東臯

子  
皇朝胡宿

為揚子尉大水溺民居今不能救宿曰拯溺吾職也即率公私舟以前所活數千人

胡宗愈

英宗朝李定自信州推官除御史知制誥蘇頌李大臨不草制皆落職歸班宗愈以舍人封還詞頭坐落職通判真州

陳德

林嘗為真州守蘇子瞻詩白沙鎮也

吳處厚

司馬君實送一一一知真州詩云鄉託星

屏駕今隨丞相車終朝容懶拙經歲庇迂踈共此超雲闕旋聞建庫旗江淮一都會遊刃必多餘

人物蔡疑

自元祐中

居其州宗寧間魁多士後任尚書蔡京宗盟結死黨詳見言行錄

孫洙

錫之子錫年十九登第洙年十九亦登第舉制科與

二蘇李邦直同選

在三十三人之數題詠維舟至長蘆

李白送趙明府赴長蘆詩云云目送煙霞高搖

扇對酒樓把袂持蟹螯

江聲六合暮

韓翃送郭贊善歸淮南駿馬淮南客歸時引望新云云楚色萬家春白紵歌西

曲黃苞寄北人不知  
心賞後早晚見行塵

金山只隔水

蘇子由送董掾詩云云時復聽晨鐘

分符江海衝

前人奏課西  
南最云云

夜江看斗辨西東

歐陽永叔知滁州出儀真泛大江詩孤舟日日去無窮行色蒼茫香

靄中山浦轉帆  
迷向背云云

昇州一日到真州

彭汝礪真州江亭詩潮落淮風起不收云云多情揚柳能青眼

底事波瀾  
亦白頭

當使淮人服教條

王介甫送吳仲純守儀真詩江上齋舡駐彩橈鳴笳應滿綠揚橋久為漢

吏知文法云云拱木延陵瞻故國叢祠瓜步  
認前朝登臨莫負山川好終欲東歸聽楚謠

四六

分符江國  
將漕淮壖

臺府兼榮  
節麾交耀

遂以偏師  
獨當一面

每嚴素備  
自折遐衝

維儀真之名郡  
控揚子之要津

內護江流之險  
外當淮甸之衝

當燕蘇供億之繁  
賴嗇茗阜通之利

使節肅持既重將輸之任  
州符無綰尤嚴保鄣之圖

闌闌蕭條益薦經於蹂躪  
里閭安靜尤有賴於撫摩

居東南之水會可謂要津  
控西北之風寒實為重鎮

郡圃相羊細讀東園之記  
江樓倚徙好廢北固之詩

通州

靜海  
海門

建置沿革

禹貢揚州之域星土分野與泰州同春秋屬吳滅屬越戰國屬楚秦屬九江郡漢屬臨淮東漢晉屬廣陵

郡隋初郡廢屬江都郡唐屬揚州南唐氏於海陵之東境置靜海都鎮制置院周世宗建靜海軍為通州皇朝因之後改曰崇川尋復為通州今領縣二治靜海

事要郡名通川

崇川

其民苦窳而貧

朱彥海  
山樓記

訟庭多虛

郡守

揚阜作通州圖序云云  
園空隙殆有古之淳風

任官之樂土

曾曲阜行宋湜知通州制  
淮海之濱專城而治不領

於吏部而選於朝廷非以其獄  
訟稱簡魚稻饒足為云云耶

利市州

談苑先是數舉士人至辟  
雍者皆不利大觀中朱侍

郎彥為守始移壯武營射梁不使壓州學上當年所解三名至辟雍皆上舍選太守教官及考官皆轉一官以其全榜皆過御筆添

解額十名通州魚稻饒足曾曲阜行宋民以魚鹽為業俞授能形號為一一一劉子

勝瀕海控江俞授能劉子通之為郡云旁通吳越揚阜序南瀕吳會列壤相望云

云東北當海口繫年錄知通州郭凝奏云極淮之南海山樓記通為州云云距

濱海之風帆海道揚阜序土產鹽戶納鹽長編云云舊以布泉茶米等折償其直開寶庚辰詔

折以錢今山川狼山在靜海縣南五山相連陶隱居注曰狼五山

官為鹽鈔在海中對勾章岸今直呼為一一山下有按

窠上有鞭迹皆着石或云始皇履是山且鞭以投海中不知何據尚書郎齊郭有歌曰祖龍神兵驅不得揮電成鞭有遺迹及觀六帖云始皇作石橋過海有神人能驅山下石去不速者神輒鞭之云淳化中邑長揚釣乞改狼為琅。趙閱道詩云一一五峯高下

壓淮濡郡。任伯雨詩：狼去青山迹已陳，惟餘樓閣向南薰。  
**軍山** 在江際。  
**海門島** 長編國初以來，犯死獲貸者多。

配隸登州沙門島通州。料角海門有，其中有一鹹淡水，二水不相混雜，舟人不待汲，能辨之形勢。

控扼紹興中，差舟師把隘其沙脉，毋漲不當潮，小則委蛇曲折，水路可見，潮大水則一槩漫沒，非熟於往來者未易知也。李實膠西

之捷，**大海** 去海門縣東八十里，澠水燕談熙寧四年高麗遣使脩，以此貢將由四明登岸為海風飄至新港，先以狀致通州云。

望斗極，以乘槎初離下國，指挑源而迷路，誤到仙鄉，其同行朴寅亮詩尤精如泗州龜山詩：門前客棹洪濤急，竹下僧碁白日閒。

**大江** 在靜海縣南十五里，**運河** 周世宗侯仁矩鑿渠四十里，接泰州時被其利。  
**南布洲** 舊是大海，其中沙漲復為

**洲** **東布洲** 元是海嶼，**沙島** 之地。  
**堂亭** 淮南道院，揚廷秀談苑通州南阻江東，北瀕海士大夫罕至，居民以

魚鹽自給，不為盜賊，訟希事簡，任宦者。  
**三會亭** 在狼山東，顧巨海最為逸士，大夫號通州為三會亭。南瞰長江，吳楚煙

雲勝槩樓閣海山樓在城上。陳瑩中作青玉案云碧空黯淡

珠簾才捲美人驚報一夜青山老使君留客金樽倒正千里瓊瑤

博古有詩云門下一濤奔南門樓鄉僧妙瑛云崇寧門有青巾白

也狼山閣賢良齊唐有詩海腹藏吳楚天樞名宦王素為呂夷簡

嘗通判通濠二州往河北接行范仲淹監西溪倉建白於朝請築

元絳知靜海縣時私取鹽至二十斛請坐徒絳曰海旁沈興宗為

門令王介甫為岳飛為通泰人物吳及字幾道年十七以進士起

姚原道知吉州黃太張東喬以父蔭補官年十六以文路公起復

史嘗誌其墓

調泰興簿包孝肅公司馬温公皆愛

重張次山

公明直節受知包孝肅及溫公嘗知泰州

題詠曲渚留越舫

趙閱道詩云云遙岑辨吳分

遠水南回建業舫

夏子喬侍父監通州鹽場登狼山賦詩云渡口人稀黯翠煙登臨嘗怯夕陽天殘雲右倚維揚

樹云云山引亂猿啼古樹電驅甘雨過聞田季鷹死後無歸客江上鱸魚不直錢公時年十七識者謂甘雨過聞田雖有為霖之志終

無澤物之功

江氣南吞吳分野

揚士彥題狼山詩云云海波北撼楚封陸

四六

輟從朝路擢守海邦

通川名郡

左臨淮甸

彈壓江流隄防海道

以洙泗之遺教

富商豐魚鹽之利

豈特富魚鹽之利抑將資保鄣之雄

海邦千里幸安魚稻之居

魏闕九重徒結鼓鐘之戀  
觀上海上重尋清獻之舊遊  
詠雪樓頭曾入了齋之樂府

通浙並淮昔官遊之樂土

控江瀕海今備禦之要津

泰州

海陵如臯

建置沿革

禹貢揚州之域為牛斗之分星紀之次春秋屬吳後屬越戰國屬楚秦屬九江郡漢初以封吳王濞海陵

屬焉東晉分廣陵置海陵郡唐初置吳州更海陵縣曰吳陵縣南唐升為泰州相傳以為取通泰之義皇朝中興為通泰鎮撫

使後仍為州今領縣二治海陵

### 淮東提刑提舉置司

事要郡名海陽

郡志晉以海陵為一以其地並海而高故名 吳陵

唐改海陵

風俗性多

朴野

吳陵志見下注

俗務儒雅

吳陵志雖窮巷茅茨之下往往聞弦誦聲

有屯田煮海之饒

按江

南李主時廳壁記以海陵云云因建為泰州

幽邃肥美

吳陵郡志引晉中興書云海陵一而地一故民事耕桑樵

漁而性多朴野耻以浮薄相夸鮮出機  
巧謀利雖無富強豪右而家亦自給  
賜鼓角門戟皇祐間大廳題名載周世

宗云 海陵倉粟流行枚乘說吳王曰吳實富天子轉粟西鄉陸行不絕水行滿河不如海陵之倉左思吳都賦

觀紅一一之土產鹽課與解池等皇朝皇祐間通泰二州山川天

目山在海陵縣東六十里寰宇記云土山也山有雙井相對其水清冽發運使蔣之奇開古井獲金龍玉壁三十六羅浮

山在海陵縣澤藪中不為水所沒遙望如一一摩訶山在揚子江中流亦名蝦蟆呂城山縣東三十

形如於祈湖縣東北四十里雞雀湖縣東北五十里包老湖縣北四十里湖水清而無滓挈壺氏取以

供滴捍海堰在海陵縣百五十三里大唐李承創范仲淹重築呂伯恭修桑子河堰記淳熙元年夏六月泰州東部

潮大上敗一一詔州與使者參治維堰初作於文正范公首起海陵尾屬鹽城衡二縣間百餘里及是半圯於水有司繕築未幾

以訖工間獨桑子河以南逕如臯境繚許氏莊後  
皆文正規畧所未及詔以委今魏侯甫半月堰成井泉夫女繅絲

井在西溪鎮西廣福院相傳漢董永所居井即一汲以一者樓閣望京樓曾密公詩見後題詠安邊樓

在郡城上曾正臣詩云參差紅蕖迤邐綠芙蓉閣菰蒲沙鷺窺吟榻風蟬入坐隅堂舍淮東道

院在州治大廳之東海陵地僻少訟故以一一名之左丞陸農師到任謝表云飛蚊漸少頗無澤國之風過客甚稀至有道

堂之自五代時疊石為山高三丈五尺東西十丈有五尺清風堂翼以兩徑為登陟之階咸平中曾密公以戶部員外

郎知州事有郡圃山亭六詠詩云更無塵土當軒起只有松蘿繞檻生紹興間其孫文昭公肇復典是郡文昭之父易占又

嘗知如臯縣以三世守范希文書滕子京從事一詩文會堂云東南滄海郡幕府清風堂詩書

對周孔琴瑟視義黃君子不獨樂我朋來無方又云在光一學許周香三仙周陳唐德星一聚會千載有餘光孝寺五賢堂

內祠張發運綸范希文富彥國嘗侍父為征官讀  
書於此又增郡之先賢胡侍講王內翰為一一一狀元坊在市河西即王

右司所居宣和間為大魁而郡志不書其名古跡高麗鼓在西溪鎮聖果院相傳保大

年人已化三昧語空傳唐世今尤在一一一半穿即此也古井欄在聖果院相傳偽唐保大中

合而誌文亦漫滅莫辨蓋活石云按歐陽公集古目錄有李陽冰  
書縉雲三碑篆刻最細瘦世言此三碑皆活歲久漸生刻處幾合

故細耳亦富鄭公讀書堂在景德寺之東。韓子蒼詩藤床瓦枕

後鴈旅懷生怯曉來鐘淹留已辨三年計流落應小兒塚在州宅

墳數十宋江南初主本徐溫養子及僭號遷徐氏於海陵中主繼  
統用謀士齊丘許徐氏無男女少長皆殺之後齊丘有一一一病

有老樂工作一詩書紙鳶工放入齊丘第中其詩云化家為國實  
良圖總是先生畫計謨一箇小兒拋不得上皇當日合何如謂此

也  
**名宦皇朝曾致堯**

為守**曾肇**

致堯孫**韓琦**

以侍中

知泰州時以卧

病適夢以手捧天者再

不覺驚悟其後受顧命援英宗於藩邸  
翼神宗於春宮捧天之祥已肇於此矣

**呂夷簡**

監西溪鹽場皇朝類苑云呂文靖嘗

官於此手植牡丹一本有詩刻其後范文正亦嘗臨泣復題一絕  
云陽和不擇地海角亦逢春憶得工林色相看如故人以二公詩

筆故題詠極多而  
花亦為人所貴重

**范仲淹**

公為西溪鹽官嘗築捍海堤景德寺有生祠。監倉揚阜作畫像詩云青衫下

僚名世高節捍患禦灾豈不在  
余又云我思范公水遠隄長

**滕子京**

為郡從事

**劉攽**

自道山倅海陵詩云壁間金闕

倚天開五見宮花落晚梅明日扁舟滄海去却尋雲氣訪蓬萊。  
蘇子瞻送行詩君不見阮嗣宗臧否不掛口休誇舌在齒牙牢是

中惟可  
飲醇酒

**吳本中**

調海陵縣尉

**張次山**

為守嘗有鶴集戒石前若有所訴次山諭鶴使先飛令兵官隨往鶴

集一大木上蓋鄰側有取其二雛烹食者即以  
其人至府鶴亦同至次山為治其罪鶴乃飛去  
**張綸**為制置發運後自請兼州

築堤堰范希文為作生祠記詩云海陵嗷嗷古防弗牢萬頃良膏  
歲凶於濤又云草奏屢達狂議四過心過金鐵對天不奪又云盤

盤偃偃百里而遠如天作旱莫萬  
家產朝以公賢魚于蕃宣云云  
趙抃知海岳飛建炎四年為  
通泰鎮撫使人

物查道南唐文徽之孫鑿水求鯁以  
養母竹間見一蹄金而掩之  
查陶南唐近臣太宗知其名  
除監察御史後贈兵部

尚書周孟陽終天章閣待制少遊經山賦詩有地高多興風雲會  
天近常為日月隣之句人以為遭遇英宗之符  
胡

瑗字翼之海陵邑人自明道景祐以來學者稱海陵先生暨泰山  
孫明復石守道先生嘗為湖州州學教授邊防水利各居一齋

王觀洽聞強記  
善屬文  
王觀為翰林學士後  
以黨禍奪官  
題詠人家匝海隅  
曾正臣望  
京樓詩云

望京樓上望望久思踟躕境上連江徼云云隔山  
人隱映近郭水縈紆雨過風腥檻潮來岸浸蘆  
野水粘天鶴鶴

飛呂本中至海陵詩江  
村遇雨蓬麻亂云云  
吏散重門印不開  
鮑容寄海陵縣韓長官  
詩云云玉琴招鶴舞

徇野人為此多東望  
雲雨仍從海上來

香粳炊熟泰州紅

陸務觀對食戲作云  
荳甲尊絲放箸空

四六

眷惟海陵  
實冠甸海

眷此海邦  
號稱名郡

有煮海摘山之大利  
當航川梯嶠之要津

鹽醴轉餉歲益於商  
新粲論輸日交於吏

暫違丹闕望雲氣於蓬萊  
來駕朱轡息風濤於瀚海

土風淳厚人自足於魚鹽  
吏隱豐餘地不驚於烽燧

海隄功著想范文正之遺風  
道院名標追陸左丞之故事

方輿勝覽卷四十五

欽定四庫全書

方輿勝覽卷四十六

宋 祝穆 撰

淮安軍

山陽 鹽城 淮陰

建置沿革

禹貢揚州之域在牽牛之分春秋時屬吳後屬越戰國屬楚秦屬九江郡西漢屬臨淮郡及廣陵陵國東

漢屬廣陵郡及下邳國三國屬魏東晉祖逖屯淮陰庾希自下邳退屯於山陽謝元自彭城退屯於淮陰又分廣陵置山陽郡宋以山陽為重鎮宋蕭道成鎮淮陰為北兗州東魏復為山陽郡隋廢郡為楚州唐初為臧君相所據曰東楚州尋歸於唐改曰楚州皇朝為團練州寶慶以逆全之亂降為淮安軍今領縣三治山陽

事要郡名山陽

境內有地 名一一

東楚淮陰

許氏說文水之北為陽水之南為陰縣在淮水之南故曰

風俗其俗勁悍輕剽

隋志云云

士任氣節

同上其一則俠任好尚實遜蓋楚之風焉戰

爭詐偽

晋伏滔正淮論其俗尚材氣而多勇悍其人習一而多一豪右無并之家十室而九藏甲挾劍之民比屋皆是

急則以驟戎馬

新志聞之故老物盛入衆足為一都會今擬以窮邊極塞云云緩則以宅狐兔

土產唐鹽

課四十五萬石

郡縣志云今關中置鹽監以收其利每歲煮鹽四十五萬石○阮昇之南兖州記云鹽城海水有南

兖州鹽池百二十所縣人以魚鹽為業畧不耕種擅利巨海用致沃饒公私商運充實四遠舳舻往來常以千計此吳王所以富國

強兵而抗漢室也

形勝北有清泗

南齊志云云臨淮守險

屏蔽淮東

紹興十一年高宗謂大臣曰山

陽要地云云無山陽則通泰不能固賊來竟趨蘇常

水陸交通

晋荀羨北征議淮陰藩鎮地形都要云云易以觀釁沃野

有開殖之利方舟漕運亦無他阻

揚楚要衝

長編云太宗朝王化基澄清畧云江淮諸郡一最曰一一水陸兩塗咽

喉數國務穰事

淮南控扼之地

繫年錄左正言吳表臣言楚州實云云

南北必爭之

地繫年錄徐宗偃云山陽俯臨淮海

實云云我得以挾制山東

東晉為重鎮廣陵記云云元帝嘗使劉隗守

淮有**道之齊魯山東**

新志一道自南渡門絕淮則之齊魯山東一道自淮陰放洪澤闌連淮則入汴入洛

川羽山

崔國輔石頭瀨詩云悵矣秋風時予臨石頭瀨因高見遠望盡此楚州內一一一點青海岸雜花碎日暮千里帆楚

色有鐵柱岡

在鹽城北門外二里海岸故老相傳秦王繫馬處也

金牛岡

在山陽縣北七十里周世宗宿兵於

此大海

在鹽城南一里

淮水

在山陽北五里水經注云一一之會即城角也左右兩川夾翼二水以入即泗口也自龍

山之北縈回楚城東入於海詩云淮有三洲

今山陽灣對岸有上洲中洲下洲

宜其此歟

淮河揚廷秀登楚州城詩云望中白

處日爭明箇是一一凍作冰此去

清河

在淮陰縣北七十里

新河

去磨盤古跡八十步

乾道中開老鵝河在城西周世宗至此艦大不能過遂開此河以通其道故沙河在山陽縣西北十里滿蒲開之

南避山陽灣清河口風濤之患射陽湖在山陽縣東八十里今與府鹽城分湖為界縈回三百里邗溝自寶應縣北流

入淮左傳哀公九年吳城邗溝通江淮隋大業元年發淮南民十萬開邗自山陽至揚子入江渠廣四十步。王介甫詩云將母

明閩杜宇南北摠關心公路浦即淮口也稟宇記表街字公路向九江將奔表譚路出斯浦因名

捍海堰在鹽城縣詳見泰州呂東萊記亭榭南昌亭在山陽縣西三十五里史記云韓信布衣就一一亭長

寄食長竟絕之信為楚王召亭長籌邊樓在郡治輪奐壯麗甲於隣郡宴花

樓趙嘏題楚州一一詩門外煙橫載酒舡謝公携客醉華筵尋花偶坐將軍樹飲酒方重刺史天幾曲艷歌春色重斷行高鴈

暮雲邊分明聽得行人語願及行春更一年橋梁跨下橋在淮陰縣即韓信祠墓淮陰

廟錢諫議詩築壇拜處恩雖厚躡足封時慮已深隆準若知同烏

秦勢自雄布衣還是負深功寡妻稚女俱堪恨休把餘孟莫崩通

更將心事託何人。汪遵詩秦季賢愚混不分只應漂母識王孫

歸榮便累千金贈為報當時一飯恩。張文潛詩雲夢何須偽東

出遊遭讒猶得故鄉侯平生蕭相真知己何事還同女子謀

西塚在縣北八里莊東塚韓信母墓也本傳云信行營高燥地令

云寂寂荒墳一水濱蘆洲絕島自相親。古迹紫極觀畫壁李伯時

雖然寂莫千秋魄猶是韓侯舊主人。常於壁

間畫猴戲馬驚而圍入鞭之時稱奇筆東坡題其後曰吾觀沐猴

資馬何罪意欲防患猶傷生異類相宜亦相失同類相傷非所及

志行萬里因一悟吐豆乾菱  
廿伏樞舊有石刻今不存

**名宦張敬**

守山陽久之渤海膠東盜起拜膠東相盜悉平鄭

弘遷淮陰大守行春天旱隨車致雨白鹿方道夾轂而行弘恠  
弘問主簿黃國曰鹿為吾為凶國拜賀曰聞三公車轄盡作鹿明

府必為

**祖逖** 此淮陰嘗誓清中原

**皇朝蔣之奇**

為太

**米芾**

自無為移守山陽

**韓世忠**

繫年錄紹興五年都督張浚出江勞師至鎮江召一一親諭上  
旨使移此楚州以憾山東世忠欣然受命即日舉軍渡江又云山

陽凋弊之餘世忠披荆棘立軍府與士同力役軍壘既成乃撫集  
流散通商惠工遂為重鎮岳飛至楚州視兵籍始知世忠止有衆

三萬而在楚十餘年金人不敢犯猶  
有餘力以侵山東可謂奇特之士也

**人物韓信**

淮陰人封侯

**枚乘**

淮陰人有舊宅基在縣南二百步

**枚臯**

淮陰人並見

**皇朝徐積**

字仲車本州人從安定胡先生學事母至孝年四十不婚不仕鄉人勉就舉偕母之

京既登第未調官母亡遂不任

**張耒**

淮陰人也從蘇子瞻學有文集

**趙師旦**

本州人也

監司上其行謚曰節考慮士

帝守康州儂智高亂  
率羸師血戰而死  
名賢陳瑾  
因彈蔡京謫居合浦著尊堯集  
益加竄逐最後移楚州居住  
題

詠蕪城枕楚田  
溫庭筠送淮陰縣令隋堤楊柳煙孤棹正悠然蕭  
寺通淮戍云云魚鹽橋上市燈火雨中舡故老青

葭岸先知  
白居易贈郭使君詩云  
野人懷惠欲  
移家  
劉商送元使君自楚移越詩露冕行春向若  
耶云云東風二月淮陰近惟見棠梨一樹花

邊  
唐趙嘏憶山陽詩云竹軒晴與楚波  
連芰荷香透垂鞭袖揚柳風橫聞笛舡  
士林皆賀振家聲  
劉禹錫送

李楚州緹騎朱旗入楚城云云兒  
童但喜迎賢守故吏猶應記小名  
山陽太守政嚴明  
白居易拘杞

靜人安無犬驚不知靈藥  
韓枚步隲建三亭  
淮陰有——亭晁  
根成狗恠得時聞吠夜聲  
端彥詩云云故顯當

時將  
相名秋燈點點淮陰市  
陳羽宿淮陰縣作云云楚客連牆宿淮  
水夜深風起魚鼈腥韓信祠堂月明裏劉

方輿勝覽

伶臺下稻花晚

許用晦詩云云韓信廟前楓葉秋

雜耕今是一雄藩

揚廷秀望楚州新城詩已

近山陽望漸寬湖光百里見千村人家四面皆臨水柳樹雙垂便是門全盛向來元孔道云云金湯再葺真長策此外猶須子細論

四六

維今東楚實國北門

大江前流長淮却阻

長淮與壤表海名邦

既護藩籬孰窺堂俎

郡居江北恰遙拱於近畿路出山東更掃清於小醜

邦入還定各安鴻鴈之心海道肅清更息鯨鮪之浪

襲韓信之故封宜知兵畧訪枚臯之舊宅益倡文風

兵衛森羅既作淮壖之重鎮舟師畢集又居海道之要衝

寶應州

寶應

建置沿革

星土與淮安軍同本漢平安縣屬廣陵國王莽帝改為北鄉隋地理志云梁置陽平郡及東莞郡開皇初

郡廢為安宜縣又廢石龍縣入焉安宜溪在縣界因此得名唐武德立倉州領安宜一縣及州廢縣屬楚州上元三年縣屈真

如獲定國十三寶以其年為寶應元年改安宜縣為寶應皇  
朝因之寶慶三年六月以蒙國進寶璽詔年穀屢豐雨暘時  
若可謂受寶之應以寶應  
縣陞寶應州今領縣一

事要郡名安宜風俗

與淮安軍同

形勝地居四塞

郡志

一衝無險可守山川

箕山

在州東六十里寰宇記今無山唯邨阜百餘

雲山

在城西南百二十里山下有白龍潭

射陽湖

在州城北

十五里其西頗多邨阜

清水湖

在城南五里

范光湖

在城西南三十里

安宜溪

在州城西四十餘

里白水陂

在城西八十里乃艾所築濶三十里

橋梁孝仙橋

在城北市蘇子瞻曰秦少游言寶應民有

以嫁娶會客者客一人徑起出門至橋下若將赴水者主人急持  
之客曰婦人以詩招我其詩曰長橋直下有蘭舟破月衝煙任意  
游金玉滿堂何所用爭如年少去來休  
倉皇就之不知其為水也然容亦無他古跡神寶  
唐楚州刺史鄭輅撰記曰肅宗

元年建子月十六夜女尼真如忽見二皂衣引至一所見天帝因出寶授真如曰汝往令刺史崔旼進達於天子肅宗寢疾方甚視寶召代宗謂曰汝自楚王為皇太子今上天賜寶獲於楚州天祚汝也宜保愛之代宗再拜受賜即日以寶應紀年云

高黎

王城

在縣西八十里

金牛城

在縣南十五里

石鼈城

在縣西八十里本石一縣寰宇記以為石鼈山引郡國志

云山有石鼈游因名之山下有鄧艾築城猶存今驗其處無山有城以為山誤也荀羨傳曰羨鎮淮陰屯田於東陽之石鼈通典載宋因晉以山陽為重鎮曰比對清泗臨淮守險有平陽石鼈插田豐饒蓋歷代皆屯田於此舊志隸山陽非是

名宦當人考

物陶當考

題詠賤買魚蝦已厭烹

呂本中行次寶應有詩云半升濁酒試尊羹云云淺水依蒲有舡過

淡煙籠月更人行

聞說德宗曾到此

陶應題寶應縣詩雪樓當月動清寒渭水梁山鳥外看云云吟詩不敢倚

千擲

四六

疏縛宸廷  
分符邊壘

粵由男國  
陞建侯邦

既重蠶桑之務  
亦為魚稻之鄉

石鼈置城昔號屯兵之地  
銅魚分治今為固圉之邦

寶壘紀祥蓋古今之嘉瑞  
銅符疏渥當南北之要衝

廣陵東楚既應援之匪遙  
渭水梁山亦鼓行之甚易

城惟斗大雖云猶劣於十同  
地近風寒要使雄當於一面

高郵軍

高郵  
興化

建置沿革

禹貢揚州之域分野與揚州同春秋時屬吳戰國屬楚秦因高郵置郵傳為高郵亭漢屬廣陵晉屬臨淮

郡東晉有三阿宋屬廣陵郡梁置廣業郡尋以有嘉禾為神農郡隋屬江都郡唐屬邗州皇朝始建為高郵軍中興以來陞

為承州割泰之興化縣來屬置鎮撫使尋為高郵縣兼軍使復陞為高郵軍今領縣二治高郵

事要郡名孟城

郡志謂地形四隅皆底城基特高狀如覆孟

秦郵 同上一名 高沙 有

館風俗俗厚而勤稼

題名舊記土高而廉於水

好談儒學

郡志自孫覺秦觀諸公以

文章政事名至今云云其間桀黠之民好以訟相雄往往挾法律以議吏是非然亦終不敢犯長吏故易治而難服

人足於

衣食

揚公濟衆樂園記云高郵當東南衝會邑居繁盛加之魚稻之富云云

形勝東漸於海

郡志云云南接

大北據長淮

同上西有土山云云

南逼真揚

馬仲荀記云云北連楚泗

古稱大邑

皇朝開寶間建

軍詔惟彼高郵云云舟車交會水陸要衝宜建軍名以隆地望

南北水道之要衝

趙侯修水門記高郵古邗州蓋

邢溝所經云云

介於揚楚之間

葉宗古太守題名記云云號為東南咽喉連帶陂湖轉入江淮

水深而岸

峻昔令孤絢節度淮南徐卒龐勛等逃歸裨將李湘曰高郵之北云云我以銳卒焚荻舟塞其前勁兵感其後盡可殲也

形

便而勢利

舊經高郵據諸郡脊扼亢拊背云云莫之能禦

山川土山

在高郵縣西南六十里上有石井石臼俗

傳謝安公  
陳丹於此孤山在興化縣東南七十里  
陽山在興化縣西四里舊有廟史記  
楚世家昭陽為楚懷王令尹出

入將相此五湖去城六十里。黃魯直詩九陌黃塵烏帽底五湖  
即其廟。春水白鷗前扁舟不為鱸魚去收取聲名二十年

○秦少游詩高郵西北多巨湖纍纍相連如一一三湖繫年錄承  
○蔣穎叔詩三十六湖水所蓄其間尤大為一一三湖楚相距有

樊梁等三湖 甓社湖去城三十里東南長七十里南北濶五十里湖有  
明珠雀伯易賦序云夜見大珠其光屬天嘗問諸

漁者皆云或過於宅湖中有竊謀之者則風輒引舡而去又云明  
珠光燭類火炬然不徒見不有大喜必有大災。圖經高郵西北

有新開甓社塘下五湖平阿七里張良珠湖又有羨里石臼鵝兒  
白凡十一湖相連內有一灣名子子灣。揚廷秀詩云為愛湖中

似掌平忽逢巨浸却心驚怪來萬頃不生浪凍合五湖都是冰碧  
玉湖寬容我到白銀池滑沒入行茲遊只道清無價清殺詩翁老

不勝。孫莘老於一一一上讀書夜見明珠而登第黃魯直遺詩  
云一一一中有明月淮南草木借光輝。建炎中光竟夜繼而賊

犯白沙湖在興化縣南十里得勝湖本名率頭湖張榮賈虎嘗掩擊金帥達蘭於此南溪在興化

文宰邑日有馴鷗詩平淮堰在高郵縣境內李吉甫築溉田數千頃捍海堰范希文監西溪倉悉力修之詳見泰

州井泉玉女井崔伯陽記在高郵縣治之東圖經云東齊郊公道光與其女居井旁煉丹見神仙傳少西有望仙橋

今其側蓋闕闔之地。蔣穎叔詩蒼龍脫角瑩且澤解瓜自與風雷俱邾家女子已仙去尚有故井存通衢堂榭燕堂

揚公濟詩吏隱孟城九十旬豐年日日是佳辰五壇芍藥齊教放何處揚州更覓春瞻袞堂在軍北城上紹興四年都督丞

相張公撫臨侯衛次威敵堂在軍治之後濯纓亭在稅務前范文正公建於淮東後人名之有詩云素心愛雲

水此日東南行笑解塵纓處滄浪無限清又滄浪清可愛白鳥鑑中飛不信有京洛風塵化客衣寄老庵黃魯直

四達齋蘇子瞻集高郵趙使君晦之作齋東圃戶牖四達因以名之眉山蘇軾過而為之銘曰有藏於中必謀於外惟慢與

謹皆盜之誨孰知此間空洞無物戶牖開闔廣焉一擊去盜易使無盜難我無可攘以守則全趙侯無心得法赤溪四出其以達民

**文游臺**

在城東二里舊傳東坡與王鞏孫秦諸公及李伯時同遊論文飲酒因以名之伯時畫為圖刻之石祠

**廟露筋廟**

去城三十里舊傳有女子夜過此天陰蚊盛有耕夫田舍在焉其嫂止宿女曰吾寧處死不可失節遂以蚊死

其筋見焉。歐陽永叔詩云近聞高郵間有虎夜凌辱哀哉一女萬劫讎不復

**古跡邗溝**

左傳哀公九年吳城邗溝

杜預注云於一一築城穿溝東北通射陽湖西北至末口入淮通糧道唐為邗州以此得名

**三阿**

即今北阿鎮在晉為一一

即謝安破堅將彭超之地唐為下阿徐敬業屯兵下阿溪魏思温破之於此

**名宦李承**

唐人始創捍海堰

**甫**為淮南節度於高郵築陂塘溉田

**皇朝范仲淹**

監西溪又宰興化

**揚蟠**

字公濟有詩名張浚初

慶據高郵軍公自往安撫之留公三日而外間不知朝廷議遽罷公樞筦奉祠慶以兵衛公出乃赴行在韓世忠全人自建

欽定四庫全書

方輿勝覽

炎初蹂踐淮楚北鄙之警畧無寧歲及一一節制淮東募敢死  
士號背寇軍教以擊刺戰射之法無不一當百與敵遇於天長大  
儀間其帥貝勒托雲擁鐵騎來背寇百遇百克敵以為神轉戰至  
高郵卒擒托雲等俘獻於朝紹興四年劉豫借援入寇步騎數萬  
蕩然如風雨至公以銳士絕江殲其衆於高郵  
人物皇朝孫覺

老其先邵武人卜居高  
郵遷吏侍坐元祐黨  
孫覽覺之弟 崔公度字伯陽直 王鞏字定

蘇子瞻遊朱壽昌父守雍日年三歲母劉氏嫁民間母子不相知者  
五十年熙寧初棄官入秦尋訪行次同州遂獲其

母相持慟哭感動行路乃迎以歸王荆公而下皆  
有孝子詩數百篇後徙居高郵名其里曰彰孝 喬竦以鄉先生  
教授鄉里

莘老其徒也 喬執中以經術教授淮 秦觀字少游興張耒黃庭堅晁補  
孺與孫秦齊名 秦觀之號四學士有淮海閒居集

元祐中蘇軾以賢良方正薦於朝除太學博士校書遷正字燕國  
黃魯直贈詩云國士無雙秦少游全篇見揚州。觀進士不中

史院編修紹聖中坐黨籍通判杭州以御史劉拯論其增損實錄責監處州酒稅又編置郴州撥雷二州至滕州而卒觀長於議論

文麗而思深蘇軾嘗以其詩薦之於王安石安石曰公奇秦君口之而不置我得其詩手之而不釋秦觀詩名坡谷

皆稱之馬永卿從劉元題詠過淮風氣清蘇子瞻過高郵寄孫君孚詩云云一洗塵埃容水木

浙幽茂菰蒲雜遊龍可憐夜合花青枝散紅茸美人游不歸一笑當誰供故園在何許已偃手種松我行忽失路歸夢千山重聞君

有負郭二頃收橫從卷夜畢秋獲殷床聞夜春樂我何所憂社酒粥面濃宜游豈不好毋令到千鍾地據揚楚春秦

游詩吾鄉如覆盂云云環以萬頃湖粘天無四壁濛濛春雨濕邦溝歐陽永叔詩云云蓬

故人家在此速霜落邦溝積水清秦少游詩云云寒星無數傍舡將詩卷洗窮愁

笑語城外城中四通水揚廷秀詩解纜維揚破夕陽過舟覆盎已晨光夾河漁屋都編荻背日舡蓬尚滿霜

云云堤南堤北萬垂揚一州斗  
大君休笑國士秦郎此故鄉

四六

輟班禁陞 勢若覆盂  
作鎮江淮 俗皆奠枕

西臨滄海 州維斗大  
北控清淮 地控風寒

處秦邦之高阜壁壘最堅  
控隋漕之通津舟車畢集

昔者繹騷遺患幾成於養虎  
今而安集務農皆願於買牛

淮海之高丈大冊可想英風  
紫巖之妙畧深籌尚存陳迹

長安日近豈容聖化之不需  
瀚海波澄抑使邊烽之自息

方輿勝覽卷四十六

欽定四庫全書

方輿勝覽卷四十七

宋 祝穆 撰

滁州

清流 來安  
全椒

建置沿革

禹貢揚州之域吳地斗分野春秋時屬吳楚之交秦為九江郡二漢因之晉屬淮南郡宋屬新昌郡梁於

此立譙州今之州城是也又改北譙為臨滁郡而南譙領新昌臨滁高塘三縣隋改南譙為滁州唐析揚州地置滁州皇朝因之中興為濠滁鎮撫使今領縣三治清流

事要郡名滁陽

臨滁

滁上

永陽

王元之詩淮邊永陽郡

南譙

韋應物詩今歲

卧南 風俗風俗淳厚

常安民州學記滁之人雖云云而尚氣易以德化難以力服

地僻事簡

章衡

重建醉翁亭記

陽云云其俗安閑

年豐事少命世之士至焉

曾子開二賢堂祝文滁在江淮號為

僻陋然磊落瑰偉

一亦或一一

賢士君子居焉

歐陽永叔答李大臨書永陽窮僻而多山林之景又嘗得

云形勝羣峯環於西南

慶歷前集跋滁陽古名郡云云清溪注於東北形勢深秀實甲淮海李衛公普懷嵩

之記李庶刻泉石之銘

清淮灌其北

林希望撰白鶴觀記云云烏江蕩其南

環滁皆

山歐陽永叔

醉翁亭記

周必大奏世賢說淮南形緩急欲守滁臣謂不然滁有山林之阻若廬和嬰虜衝此

則當山川豐山在清流縣西南五里歐公於

琅琊山在清流縣南十里有

洞舊經云晉元帝為一一王避地於此。曾子開滁州集序泉石

林亭之勝至聞天下。顧况詩東晉王家在此溪南山樹色隔牕

低碑沉字減昔人遠

八公山在來安縣西南十三里

五湖山在全椒縣

谷鳥猶向寒花啼

八公山

在來安縣西南十三里

五湖山在全椒縣

東北十八里山下有一九鬪山一名陰陵山在全椒縣南九十餘里昔項羽兵敗欲東渡烏江經此

山與漢兵一幽谷即豐樂亭地有紫微泉。歐陽永叔詩滁陽一抱山斜我鑿清泉手種花故事留傳父老說

世人合作石屏路梅聖俞詩尋常畫屏多畫山何意此山還滁水畫圖謔

在全椒縣南六十菱水在清流縣出永陽嶺西經皇道山下歐陽永叔有菱溪石記云本名苻溪避揚行密

媪名改清流水晏公類要云自蓮溪見吳卓南譙明月溪在琅琊山。王

元之詩惜哉幽勝事盡落唐賢西澗韋蘇州詩獨憐幽草澗邊行

晚來急野渡井泉真珠泉在清流縣西三十里紫微泉呂元中記

無入舟自橫泉水澗射有若跳珠公以右正言知制誥謫守滁上明年得讓泉於醉翁亭之東南隅一日會僚屬於州解有以新茶獻者公敕吏汲泉未至而汲者仆

出水且慮後期遂酌他泉以進而公已知其非釀泉窮問之得  
一于幽谷下文忠博學多識而又好奇既得是泉乃作亭以臨  
泉上名之曰豐樂亭當時名公宿儒皆為賦詩以紀其事由  
是始盛聞於天下今帖所稱酒名豈非滁陽官釀

庶子

亭在琅琊山寶應寺唐李幼卿守滁州今有  
藏西竺寺寒擁北譙城石字贊皇古泉銘  
一清。歐陽永叔

叙云右一銘李陽水撰并書慶歷五年余自河北都轉運使  
賤滁陽屢至陽水刻石處未嘗不裴徊其下  
昔為流溪今  
為山僧填為平地起屋其上問其泉則  
指一大井曰此一也可不惜哉  
六一亭在琅琊山園井東園在

城東隅唐李紳有詩梅執禮叙云滁陽舊無郡圃而醉翁豐樂諸  
亭皆在關外李紳所謂東園者南直琅琊諸山北通西澗修木交  
映左右又適介守醉翁亭在琅琊寺慶歷中太守歐陽永叔記云  
貳宅固一佳處也醉翁亭在琅琊寺慶歷中太守歐陽永叔記云  
之蔚然而深秀者琅琊也山行六七里漸聞水聲潺潺而瀉出乎  
兩峯之間者釀泉也峯回路轉有亭翼然臨於泉上者一也

作之者誰山之僧曰智仙也名之者誰太守自謂也太守與客來飲於此飲少輒醉而年又甚高故自號曰一一也一一之意不在酒在乎山水之間也山水之樂得之心而寓之酒也若夫日出而林霏開雲歸而巖穴暝晦明變化者山間之朝暮也野芳發而幽香佳木秀而繁陰風霜高潔水落而石出者山間之四時也朝而往暮而歸四時之景不同而樂亦無窮也至於負者歌於塗行者休於樹前者呼後者應偃僂提携往來而不絕者滁人遊也臨谿而漁溪深而魚肥釀泉為酒泉香而酒冽山有野蔞雜然而前陳者太守宴也宴酣之樂非絲非竹射者中奕者勝觥籌交錯坐起而誼譁者衆賓惟也蒼顏白髮頽乎其間者太守醉也已而夕陽在山人影散亂太守歸而賓客從也樹林陰翳鳴聲上下游人去而禽鳥樂也然而禽鳥知山林之樂而不知人之樂人知從太守游而樂而不知太守之樂其樂也醉能同其樂醒能述以文者太守也太守謂誰廬陵歐陽修也○滁陽郡志云記成刻石遠近爭傳疲於模打山僧云寺庫有毡打碑用盡至取僧堂卧毡給用凡商賈來供施亦多求其本所過闕征以贈監官可以免稅豐樂

亭 歐陽叔記云脩既治滁之明年夏始飲滁水而甘問諸滁人得於州南百步之近其上則一山聳然而特立下則幽谷窈然而深藏中有清泉滃然而仰出俯仰左右顧而樂之於是疏泉鑿石闢地以為一而與滁人往遊其間滁於五代干戈之際用武之地也太祖皇帝嘗以舟師破李景兵十五萬於清流山下生擒其將皇甫暉姚鳳於滁東門之外遂以平滁脩嘗考其山川按其圖記升高以望清流之闕欲求暉鳳就擒之所而故老皆無在者蓋天下之平久矣自唐失其政海內分裂豪傑並起而爭所在為敵國何可勝數及宋受命聖人出而四海一向之憑恃險阻剗削消磨百年之間漠然徒見山高而水清欲問其事則遺老盡矣今滁介於江淮之間舟車商賈四方賓客之所不至民生不見外事而安於畎畝衣食以樂生送死而孰知上之功德休養生息涵育百年之深也修之來此樂其地僻而事簡又愛其俗之安閒既得斯泉於山谷之間乃日與滁人仰而望山俯而聽泉掇幽芳而蔭喬木風霜冰雪刻露清秀四時之景無不可愛又幸其民樂其歲物之豐成而喜與予遊也因為本其山川道其風俗之美使民知所以安

其豐年之樂者幸生無事之時也夫宣上恩德醒心亭在琅琊山以與民共樂此刺史之事也遂書以名其一云醒心亭曾子固記滁州之西南泉水之涯歐陽公作亭曰豐樂自為記以見其名之意既又直豐樂之東築其亭曰一一而望以見夫羣山相環雲煙之相滋曠野之無窮草木衆而泉石嘉使目新乎其所以然而為其所聞則其心洒然而醒更欲久而忘歸也故即其所以然而為名取韓子退之北湖之詩云噫其可謂善取樂於山泉之間而名之以見其實又善者矣雖然公之樂吾能言之吾君優游而無為於上吾民給足而無憾於天下之學者皆為材且良夷狄鳥獸草木之生者皆得其宜公樂也一山之隅一泉之傍宣公樂哉乃公所以寄意於此也若公之賢韓子歿數百年而始有之今同遊之賓客尚未知公之難遇也後百千年有慕公之為入而覽公之迹思欲見之有不可及之歎然後知公之難遇也則凡同遊於此者其可不喜且幸歟○西清詩話云歐陽公作一一醉翁兩一於琅琊山命植花卉有詩云淺深紅白宜相間先後仍須次第栽我欲四時携酒去莫教一日不花開○常安民詩為愛昌黎湖上句

醉來直上——吹醒不待  
仙風解卧讀殘碑已自醒

茶仙亭 在琅琊寺紹聖中建南豐記  
杜牧之詩云誰知病太守

猶得作  
茶仙

堂樓四賢堂

在琅琊寺張商英詩文昭文定二曾與文忠  
歐內翰元之共四公政事風流俱第一典刑

人物更誰同能只有東坡老到處唯尋六一翁欲遣滁陽招作客五星同聚此堂中

北樓 在郡治後唐李德裕貶滁州作此樓

又作懷嵩賦後名懷嵩樓又名贊皇樓

古跡統軍池

在郡治後。曾文昭詩長山漫刻金芝頌宮相空吟石竹詩事

往歲深無處問北園唯見孟家池注云孟元詰淳化中以龍武——知軍事鑿——北園

清流關

在——縣西南二十餘里

舊傳南唐置闕地尤險要周世宗征淮唐將皇甫暉鳳率眾塞——太祖擊走之生擒暉及鳳遂下滁州

名宦韋應

物為

李德裕為刺

獨孤及為刺

皇朝趙普

為判官後封韓王

王元之

為翰林學

士嘗草繼遷制送馬五十疋以備濡潤——以書不如式却之出守滁州——到郡謝表云諸縣豐登苦無公事一家飽煖全荷君

恩歐公嘗用以作詩歐陽修初仁宗朝杜韓范富以黨議罷公上疏言之為

亭琅琊山以醉翁名之張方平慶歷知州曾肇紹聖知州張商英為守羅疇字疇元嘗授

曰滁山郡也以公高才處此非宜公曰此歐陽之醉鄉也雖草木禽魚皆能出祥光發妙音庶子紫薇香泉萬斛以為供給琅琊幽

谷白雲千頃以為職田何謂貧醉耶人物南唐張洎全椒縣人任南唐知制誥茅革

為池州貴池令黃魯直為墓誌題詠古國郡舒地司空曙送永陽崔明府詩云云前當桐柘關淹綿江上雨稠疊

楚南山分竹守南譙韋應物詩云云或謂韋應物守亳山郡多暇日

韋蘇州寒食日滁州作詩云云社時放吏歸典郡清淮旁王元之詩今年四十二云云卧錦郎位正腰金服色光

偷詠左司篇韋應物自左司刺滁有詩後李紳為刺史和登北樓詩君愴風月夕余當童稚年閑牕讀書罷云云

蕉葉上獨題詩

韋應物詩盡日高齋無一事云云

時傍青山去問農

梅聖俞春亭詩林下鳴鳩

拆紅杏田間水慢春溶溶使君固自足風味云云

公餘多愛入林泉

王之詩忽從天上謫人間知向山州住

幾年俸外不教收果實云云朝替未解雖妨道官路無機即是禪鈴閣悄然私自問郡齋何異玉堂前

此心長在水

雲間

王之詩

名雖為翁實少年

歐陽永叔詩云我昔被謫居滁州云云

滁人思我雖未

忘前人詩云云見我今應不能識

諸縣豈登少公事

前人題王元之畫像云云一家飽煖荷君恩

教得

滁人解吟咏

蘇子瞻詩君看永叔與元之坎軻一生遭口語又云云至今里巷嘲輕肥

四六

疏榮北闕出守南譙

淮右與區

雖曰山城

地僻山深

自間闕百戰之場僅生聚十室之邑

滁陽名郡

實鄰邊徼

民淳俗阜

雖依山而為固隱若長城然弛脩而弗修寧無外患

山秀水清風流可想  
年登事少賦詠猶存

六一記文勝景盡推於佳郡  
東坡字畫豐碑爭掛於高堂

琅琊舊俗戶戶魚鹽  
魯國大夫人人絃誦

不能五十里之國獨占林泉  
其惟二千石之良庶安田里

環滁皆山名已聞於天下  
釀泉為酒恨不到於亭間

五馬雙旌自得游山之樂也  
四郊多壘安能高枕而卧哉

### 招信軍

盱眙 天長  
招信

### 建置沿革

禹貢揚州之域於天文為鶉尾星紀之次春秋時為  
吳善道之地後屬楚戰國時楚始為縣秦二世時項

羽立懷王都於此西漢為盱眙縣屬臨淮郡東漢屬下邳國西  
晉為臨淮郡治盱眙東晉立盱眙郡南齊北兗州自淮陰移鎮

盱眙魏置盱眙郡陳置北齊州唐改西楚州改隸泗州皇朝屬  
楚州復隸於泗中興以來陞為盱眙軍紹定間金之殘黨合納

敏珠爾乞降改招信  
軍今領縣三治盱眙

事要郡名都梁

見山注風俗尊儒慕學

隋書地理志盱眙本屬下邳隋書謂其地在列國為楚魯

之交云云有

東南之秀

章綱記鬱鬱葱葱之氣萃於東南而云云實起於此

東魯之遺風

沈該勸學文云地連洙泗有云云

郡有擁場

郡志云云南北懋遷凡物與土產無異焉

形勝阻山帶海

圖經云云自漢以來屢為戰守之地漢建安初袁術攻劉備備使張飛守下邳自將拒術於盱眙晉姚襄屯於盱眙紹興間張浚駐

兵於盱眙與金對壘後以和議徹戍而劉錡亦嘗屯守盱眙

襟帶吳楚

章綱撰東南起秀記云云屏翰京邑蓋神州赤

縣之地非榆關沙漠之比也仰觀天

江淮要衝

宋沈琰以為云云

為國北

門都梁志序云

江淮本原

魏高閭以為壽陽盱眙云云也

梁宋吳楚之衝

陸務觀翠屏堂

記盱眙

山川東山

在郡治之東有石洞有南山十景此居其首郡治霍麓重修治之界以方池映以朱戶洞中曲

實云云

折相通宛然洞府左  
軍山 在盱眙北六里  
鄧斗山 在盱眙縣西南  
白雲關右曰劔壁 艾於此築堰溉田 當淮水之險峻

故龜山 在盱眙縣北三十里其西南上有絕壁下有重淵。廣記  
名龜山 禹治水以鐵龜鎖淮渦水神無支祁於一之足。按張

商英 一水陸院記以佛書考之則五百梵僧遊止之地以仙經  
考之則太真元君之別治也。周明老題龜山回文詩云迢迢綠

樹淮天曉靄靄紅霞海日晴遙望  
浮山 在招信縣西七十里梁天  
四山雲接水碧峯千點數帆輕 監築堰於此。秦少游有

堰賦 橫山 在招信縣南五十  
第一山 在郡東一名南山。米元章  
南 一 一。揚廷秀詩第一山頭第一亭聞名未到負平生不因

王事畧小出那得高人同此行萬里中原青未了半篙淮水碧無

情登臨不覺風煙暮  
寶積山 在郡南與都梁  
相接為郡朝山 都梁山 在盱眙縣  
腸斷漁燈隔岸明

都梁宮出都梁香古詩博山爐  
盱眙山 在縣東南四十里一  
名馬鞍天寶改今名望州

山在盱眙縣南五里自臺子山在盱眙縣東一里宋書云宋將臧質守盱眙以拒魏師魏造弩臺以

射城中因長圍山在盱眙縣北七里宋臧質守盱眙魏太武以為名遂於都梁山築長城造浮橋絕水路即此三官室

山在招信縣南九十里上可屯十萬衆青平山在招信縣東南二十五里紹興間劉澤保聚於此全不敢近嘉定末武統

制敗金於此杏花巖在崇福寺後蔣穎叔召之繡谷在普濟院南其石巖多花木春日如

錦淮水經盱眙縣故城西新河在龜山鎮蔣之奇開河以避淮○蘇子瞻詩云故人宴坐虹梁南一一巧出龜山背

東溪在都梁山東五里曲溪在盱眙縣西南十里周顯德五年張永德敗泗州兵于一堰長沙汀在盱眙縣

北自淮河渡南接牛場巷長一里餘高丈餘淮水泛漲時賴捍禦○蘇子瞻詩云十里清淮工長隄隱雪龍是也井泉玻

璿泉在第一山之下○張文潛詩一一美酒舊知名崇寧中劉晦叔名之曰一一○楊廷秀有詩云清如淮水未為佳泉迸

淮山好煮茶鏹出——開海眼更和月露淪春芽仰看絕壁一  
千丈削下青瓊無點瑕從事不澆愁肺渴臨泓帶雪吸水花 堂

亭清淮堂

在百花巖前取蔣穎叔綠野有  
佳氣——無點塵之句以名之

淮山堂

在第一山起秀  
亭下後即玻璃

泉

雲山堂

郡守霍荒創取東坡一看——逸淮甸之  
句以名左山右淮北眺中原咸在几席

飛步亭

在東  
山○

揚廷秀和太守霍和卿韻杏花巖左近東巖驅使淮山指顧間招  
信上流摠奔赴僧伽孤塔正灣環今來古往皆陳迹遠草斜陽抵  
慘顏走馬看山真憊  
懽忙中拾得片時間起秀亭 在玻璃泉上舊名會景後曰參雲曰  
覽冀郡守吳說改曰淮山偉觀淳熙

庚子郡守王渥易名東南——面對汁口下瞰城郭

亭後石壁峭列東坡米元章諸公皆有詩詞刻於上 寺觀靈巖寺

在浮山頂上。白居易宿寺上院高高白月上青林客去僧歸獨  
夜深葦血屏除唯對酒歌鐘放散只留琴更無俗物當人眼但有  
泉聲洗我心最愛小亭東望好太湖煙水綠沉沉。趙叡宿寺詩  
明月溪頭寺虫聲滿橘洲倚欄香徑晚移石太湖秋古樹雲歸盡

荒臺水更流無人見惆悵獨上最高樓。羅鄴夏日宿寺宗公院  
詩寺入千巖石路長孤吟一宿遠公房臥聽半夜杉壇雨轉覺中  
峯枕簟涼花界已無悲喜念塵襟自足是非妨他年縱使重來此  
息得心猿鬢已霜。蘇子瞻詩人言寺是六鰲宮升降隨波與海  
通共坐舟中那復見

**名宦沈璞**

宋元嘉末為守嘗與臧質共守盱  
眙魏太武以三十萬眾攻之三旬

乾坤浮水水浮空

不克而去臧質以璞城主使之上露  
版璞固辭歸功於質上聞而嘉之

**孫堅**

熹平間除鹽漬丞徙盱  
眙丞又徙下邳丞江表

傳曰堅歷佐三縣所在有稱黃巾賊起堅身當  
一面登城先入眾乃蟻附遂大破之拜堅司馬

**皇朝江夢孫**

知天  
長縣

民爭馬二年不決馬繫於官夢孫曰吾聞管仲以老馬識路王忱  
馬知其故第遂縱馬郊外馬乍釋羈束果奔入其主家訟遂息

**包拯**

知天長縣有盜割牛舌者公使歸屠其牛鬻之既而有告  
私屠牛者拯曰何為割其家牛舌而又告之盜色變遂引伏

徙知瑞州後為樞  
密使謚曰孝肅

**人物武涉**

盱眙人嘗說韓  
信以三分天下

**皇朝沈晦**

分定錄云  
晦赴省至

天長中夢身騎大鵬搏風而上因作  
大鵬賦以紀其事已而果魁天下  
題詠落帆逗淮鎮  
韋應物云  
云停舫臨

孤館白煙橫海戍  
崔峒送陸明府之官  
盱眙詩陶令之  
官去窮愁慘別魂云云紅葉下淮村雲濕淮南樹

喻坦之晚泊盱眙詩  
廣葦夾深流蕭蕭到海秋宿舡橫月浦  
驚鳥遠霜洲云云笳清泗上樓徒縣鄉國思羈跡尚東遊  
平沙

依鴈宿  
常建泊舟盱眙詩  
泊舟淮水次霜降夕流清夜久潮侵岸  
天寒月近城云云堆館聽雞鳴鄉國雲霄外誰堪羈旅情

繫舟清洛尾  
蘇子瞻送程表弟詩云云初吳淮  
南山淮山相媚好曉鏡開煙鬢  
山凝翠黛孤峰

向李紳入淮至盱眙詩云  
淮起銀花五丈高天外綺霞明海鶴  
日邊紅樹艷仙桃岸驚日眩同奔馬浦溢心疑覩  
拊鼉寄謝雲

帆疾飛鳥莫誇  
黃塵欲礙龜山出  
王介甫詩云云白  
浪空分汾水來  
隔淮雲海暗  
迴鴈卷輕毛

人家  
蘇子瞻詩照汴玉  
清淮濁汴爭強雄  
蘇子由詩云云龜  
山下闕支祁宮  
魚躍  
峯明佛剎云云

銀刀正出淮

水多美魚白魚尤為世所珍故蘇子由有是句

舡頭出汗翠屏間

自京洛抵都梁山始

有山淮汴渦池皆會於此實山川之會

淮增汴水長流急

李昭玘詩云云

城睨南峰

不遜高

四六

近控長淮俯臨古汴

荆都梁之畫境實北鄙之要藩

河海東縈而西帶川塗南往而北來

兼淪左衽之區訖從效順

邊烽未息適當敵境之要衝郡政素修庸作淮壖之保郵

今際右文之世可冀升平

况貿遷有無欲阜通於商旅而還定安集在摩撫於人民

廡廡未復驚鴻有待於慰安

唇齒相依虓虎當嚴於守衛

方輿勝覽卷四十七

欽定四庫全書

史部  
方輿勝覽卷四十八  
至五十一

詳校官編修<sub>臣</sub>曹城

檢討<sub>臣</sub>德生覆勘

總校官知縣<sub>臣</sub>繆琪

校對官典簿<sub>臣</sub>郭祚熾

謄錄監生<sub>臣</sub>劉能

欽定四庫全書

方輿勝覽卷四十八

宋 祝穆 撰

淮西路

廬州

合肥 舒城

梁縣

建置沿革

禹貢揚州之域吳地斗分野春秋時屬舒戰國屬楚秦為合肥縣漢分立廬江國東漢為

合肥侯國仍隸九江郡又更為淮南國合肥隸焉魏晉為重鎮宋齊二代皆為廬江郡地梁改合肥為汝陰郡

尋改為合州隋改合州為廬州以廬江名舊經云古廬

字國此蓋感于應初之說非也又引左氏云自廬以往

方輿勝覽

方輿勝覽

一

軍節度皇朝因之紹興兼淮西安撫使馬步軍都  
總管後復兼制閩統州七軍二領縣三治合肥

### 本路安撫制置轉運置司

事要郡名合肥

見下肥水注

風俗人性躁勁

隋地理志廬江云云風氣果決

包藏禍害視死如歸好戰而貴詐

俗尚淳質

同上自平陳之後其一頗好儉約喪禮婚姻

率漸于禮廬江記云人物語音風土明茂皆勝淮左諸郡唐羅珣德政碑云不好學而信鬼神廣占田而不耕人稀而病于吏衆藝桑鮮而布帛踈濫舊經云率性真直賤商貴農自更戎馬遺屯存者不什二而江浙轉徙之民實居之故罵訟喜爭酷信淫祠  
唐刺史羅珣德政碑廬江之俗不好學而  
**罵訟好爭**  
郡志自兵火之後江浙之民實居之流移多于土著于是乎淳厚之風不如古

而云云者紛然非其風土本然也  
形勝南臨江湖魏滿寵云龍眠

蟠其前

曹明之新城記云紫金跨其北

淮海之郡廬為大

羅珣德政碑云云封

畧濶而土田瘠產寒薄井賦尤重地大以要

葉祖洽撰三至堂記云廬于淮西為一道都會人物

之富甲兵之強四方商旅游士之多不比他郡云云故選守常重

廬為淮西根本

崔琳撰田

侯廟記云云

合肥號金斗

曹明之記合肥入斗度最多故號金斗

江抃特為唇

齒

曹明之新城記云淮右襟喉之地

亦一都會

前漢志壽春合肥受南北湖皮革鮑木之須云

云地有所必爭

魏明帝曰先帝東置合肥南守襄陽西向祁山敵來輒破于三城之下云云

腹巢湖控渦潁

韓無咎風鶴亭記云淮之南故秦九江郡也至漢孝文析其郡又為廬江寶今

西路也自春秋季年吳嘗會于橐臯而漢封王皆在于六及孫曹紛爭則以合肥屬揚州之治築為新城晉人

扼肥水以敗秦師周世宗屬兵正陽攻戰于紫金山下遺跡猶存故今廬州形勝云云膺濡湏枕潜皖隱然為

用武山川潜山今州治所據言舒之伏大蜀山在合肥縣西二十里

爾雅釋山蜀者獨也此山小蜀山在合肥縣西四十里龍穴山在

肥縣西百三十里穴上有四頂山在合肥縣東南寰宇記作四瀝郡國志魏

伯陽煉丹之所羅隱詩勝景天然別精神入畫圖一

山分四頂三面瞰平湖過夏僧無熱凌冬草不枯遊人

來至此願鷄鳴山在合肥縣西紫蓬山在合肥縣西龍

眠山在舒城縣西南八十里如卧春秋山在舒城縣南

龍狀李公麟因取此山自號

公麟讀書堂

# 浮槎山

在梁縣東南三十五里按隋志云有浮

閣山俗傳自海上來昔有梵僧過而指  
曰此耆闍一峯也梁天監間帝女摠持大師于此建道  
林寺無諸釋用孫嘗題詩云山為浮來海莫沉蕭梁曾  
此布黃金梵僧親指耆闍路帝女歸傳達磨心地控好  
峯排萬仞澗餘流水落千尋靈蹤斷處人何在日夕雲  
霞望轉深人謂可得山中大槩歐陽公水記云碑陰有  
元豐七年洛陽景謨遊山留刻云寺有榴花根榦偉茂  
世傳昔梁武帝女尼所植也有井泉陸羽所謂乳泉漫  
流者也歐陽公水記——與龍穴山皆在廬州界內  
較其水味不壯峽關在舒城南四十五里官兵肥水在  
及浮槎遠甚壯峽關守把為入蘄黃之要地  
肥縣南應劭曰夏水出父城東南至此與淮合故曰合  
肥○爾雅云歸異出同曰肥○廬江四辨曰水出雞鳴  
山北流二十里出壽春而投于淮二水皆曰肥○郡志  
載梁韋叡為豫州刺史討魏至合肥乃堰——通戰艦

高與合肥城

等城遂潰 巢湖

港汊大小三百六十周圍四百里與合肥舒城巢廬江四邑接壤詳見無

為藏舟浦

在金牛門外長八丈濶十丈舊經云昔魏將軍將張遼掘巨浦禦孫權藏戰艦于此唐貞元

間刺史杜公作斗門與肥水相接浦內島嶼花木頗為佳景

小史港

在城東門內按太平寰宇記廬

江府小火焦仲卿妻劉氏為姑所出自誓不嫁其家逼之乃投水死仲卿聞之自縊因以為名李太白廬江主

人婦詩云孔雀東飛何處栖廬江小史仲卿妻為客裁縫君自見城烏獨宿夜空歸龍潭在梁縣治不十

步有蜃鵲岬在舒城縣西北左傳昭公五年楚伐吳吳母居焉鵲岬人敗諸一杜預注云謂廬江舒縣鵲尾

渚堂亭安邊堂

在州治

衣錦亭

在州治天禧中馬忠肅公歸守鄉郡創此亭因名

三至堂

在州治陳文惠公三守是邦故名

祠廟張龍公祠

在合肥縣西百三十里龍



橋大觀間所立碑乃曰飛騎且謂吳孫權為魏將張

教

遼所嚴橋丈餘無板權乘駿馬越而獲去因此得名

弩臺

在懷德坊明教寺舊經云昔魏武帝築臺教強弩

八尺刺史裴緝

奏請為明教寺

明遠臺

在梁縣城內西南隅回環皆水

書于

名宦劉馥

魏太祖表為揚州刺史暨受命單馬造

吳塘

諸堰朱敬則

唐朝為刺史代還無淮南一物

巢掠淮南蔡

移撤請無

李翱

為廬州刺史

犯州境巢笑為

斂兵

皇朝陳堯佐

知州

巖肅

馬亮

合肥人兩邑

拯

苔溪漁隱曰拯合肥人守本

下

好故

流俗稍稍

議公乃為詩

見意曰直

孫覺

以司諫

知州蘇

子瞻有詩送之周美成為教授馮京為人物周瑜仕吳盧陶侃仕

廬江人楊行密合肥人墓皇朝李公麟字伯時舒城人博學好古多識奇字

以丹青妙絕一世號為龍眠居士題詠西江天柱遠李白送裴大擇赴廬州長史詩云云

東越海門深去割辭親總行憂報國心好風吹平湖阻落日流水引長吟五月披裘者應知不取金

城南張祁詩云云長淮帶城西多幸逢時擁旆旌唐鄭

合肥郡齋詩九衢城裏一書生云云醉裏眼開金使字紫旌風動耀昆明襟帶東南第一州

郭功父澄惠寺詩云蜀山迥出千螺秀郭功父舒城眺云揚鞭得從使君遊

長縈一帶廻猶有金城藏郡城百里即龍舒劉貢父詩後浦不惟銅雀起高臺

頻驚歲

沃壤欲包淮甸盡

朱服詩昔年吳魏交兵地今日承平會府開云云堅城猶

把蜀山迴柳塘春水藏舟浦蘭若秋風教弩臺獨有無情原上草青青還入燒痕來

四六

申命宸廷  
總戎制閩

開大幕府  
號小朝廷

淮甸極邊  
合肥重鎮

惟合肥之重鎮  
接古壽之長淮

邊城蹂躪之餘野馬也塵埃也  
制閩經營之始繭絲乎保障乎

陞文昌垣獻納之班  
重合肥水守禦之寄

得李勣之才見謂城堅于金斗  
知裴度之績未嗟人老于玉關

胡人不敢縱南下之牧  
天子遂可寬西顧之憂

今陝之西則合肥既為重鎮  
自閩以外則元戎實總中權

擁元戎之旌纛名震江淮  
建大將之鼓旗威行蠻貊

開闕延敵精兵發弩以颶馳  
射賊勤王敵騎棄圍而星遁

折衝禦侮寬南而之顧憂  
畫策運籌壯西淮之屏蔽

宿重兵百萬之屯前鏖大敵  
總元戎十乘之寄進取中原

無為軍

無為 廬江

巢縣

建置沿革

禹貢揚州之域吳地斗之分野商時為巢伯之國春秋戰國屬楚秦為九江郡漢高

帝更為淮南國以黥布為王景帝為廬江郡統縣十一而居巢臨湖襄安隸焉即今無為之地也曹操屯軍居巢後屬吳周瑜為居巢縣長梁屬南豫州又屬合州隋屬廬州唐武德以居巢縣為巢州皇朝太平興國間析舊廬州廬江縣為巢縣以無為鎮為無為軍入耆舊相傳云無為軍本號城口鎮隸巢縣淳化中鎮居士豪侯仁信等進狀乞創軍壘時僭偽悉平思與天下安于無事因取無為而治之意以名之熙寧間又析巢縣廬江之六鄉置無為縣今領縣三治無為

本路提刑提舉置司

事要郡名濡須

寰宇記魏築無為城臨一水上游尋為無為監乃江淮之要津園經所謂城

口鎮者因此城得名風俗習於干戈

郡志其民云云勇于戰鬪風氣果決地

理頗務農桑

郡志承平以來云云形勝古南譙郡郡志晉咸康中置南譙郡即今

之南譙鄉在巢縣

潏江上游

錢惟岳雙峯院記無為潭之捷徑據一一之扛聯和

廬

無為郡志秀峯驛記云云南接舒蕪在淮甸實為要衝

江淮要津

寰宇記吳魏相

持於此

無為志云云東關之北岸吳築城西關之南岸魏置柵

山川巢山

在巢縣西南百

里姥山

在巢湖中湖陷姥升此山有廟○羅隱詩臨堂古廟一神仙綉幌花容色儼然為逐朝雲來此

地因隨暮雨不歸天眉分初月湖中鑑香散餘紫芝山  
風竹上烟借問邑人沈水事已經秦漢幾千年

在無為縣錦綉溪  
西皇祐間生紫芝  
八公山 在巢縣西非苻堅時所望草木為晉兵之山○水經注云

山無草木唯重阜耳上有淮南王安廟漢高帝之子折節下士好神仙祕法鴻寶之道忽有八公皆鬚眉皓素

詣門希見門者曰吾王好長生今先生無駐衰之術未敢聞八公咸變成童白日升天餘藥在器雞犬舐之者

皆得上昇故山以八公為目○王介甫詩淮山但有八公名鴻寶燒金竟不成身與仙人守都廁可能雞犬得

生長銀瓶山 在軍城之西時有雲氣以形得名 亞父山 在巢縣東十二里昔范增居此山之

陽七寶山 在巢縣濡須山謂之東關謂之西關 王喬山 在巢縣西南九十里昔有

王子喬于此山採藥遂得名 卧牛山 在巢縣城內 九華山 蘇子由過九華題詩云南遷私

自喜看盡江南山孤舟少僮僕此志還復難局促守破牕聯翩過重巒忽驚九華峰高拱立我前蕭然九仙人

縹緲凌雲烟碧霞為裳衣首冠青琅玕揮手謝世人可望不可攀我行竟草草安能拍其肩但聞有高士卧聽松風眠松根得茯苓狀若千歲龜煮食一朝盡終身棄腥羶腹背生絳毛輕舉如翔鸞相逢欲借問已在長松端何年脫罪罟出處良自便芒鞋拄藤杖

西江

岷山導江至此號

巢湖

在巢縣西周圍四百里由合肥舒城廬江巢縣四邑境○郡志云昔有巫言居巢縣門有四石

龜口出血此地當陷為湖未幾有人以猪血置龜口巫見之南走其地遂陷○青瑣高議云今巢湖古巢縣一曰江漲港有巨魚漁者取以貨于市合郡食之有一姥獨不食遇老叟曰此吾子也汝獨不食吾厚報汝若東門石龜目赤城當陷姥日往視有稚子訝之姥以實告稚子欺之以朱傅曰姥見急出城有青衣童子曰吾龍之子乃引姥登山而免然東漢永平之時一出黃金則城陷之說妄矣○杜荀鶴過巢湖詩世人貪利復貪

榮來向湖邊始至誠男子登濡須水在軍北二十五里源出巢湖東流經

並父山曹吳相拒于此月餘曹公賤曰春水方生公宜速去公曰權不敢欺孤遂還錦繡溪在城內天

慶觀堂舍仰高堂在郡治米元章建并寶晉齋米元章建中藏

晉人羣山觀在漕廳之東遥揖江南繁昌鍾阜諸山樓閣南樓楊次公詩云此樓此

景他州無山川九華樓在移風門上米元章建江明遠

樓在楚澤門郡守米元章所建下臨百萬湖聚山閣在郡圃北羣山橫列惟

則喬松所居寶峯之壯園池西園亭館為一郡之勝聚墨池在郡

元章所鑿寺觀太寧院在軍東南六十里地名臨湖當濡須潛水之交有湖山林泉之勝○呂坦夫詩飄然

次定四庫全書 方輿勝覽 八

吟魄到鼇山好句空留水石間眼紫微觀去巢鄉北八里有紫微山

愛清虛心不息浮生能有幾人閑

及洞道書所謂第十八金庭福地此山乃王喬登仙之處有碑云乘鳧馭鶴吹笙脫履而歸舉手長別其碑斲

亦不存矣玉虛觀在廬江南一里又曰南臺東漢左慈真人之故隱也後有人自稱劉方

題詩于壁曰南臺舊觀再焚修鸞鳳徘徊無樹留芳草滿時迷白鹿落花深處卧青牛九天宛轉雲常在萬象

晶樓人謂左真人復來也觀後有水蘆洞古跡巢縣

堯世巢父即巢之耆父也書稱成湯放桀於南巢旅葵稱巢伯求朝左傳文公十三年羣舒叛楚遂圍巢襄公

二十六年吳伐巢昭公也亞父井在巢縣廳之西拓臯在

縣即春秋哀公十二年會吳于橐臯是也潛城在廬江

紹興十一年馬珠入寇劉錡敗之于

里左昭二十七年吳公子燭庸帥師圍潛濡須塢亦名偃月城在巢縣東南四十里接巢湖西北至合

肥界湖東南有石渠鑿石通水是名關口相傳云夏禹所鑿其地高峻險狹實守扼之所故天下有事是為必

爭之地矣吳魏相持于此初孫權欲作塢諸將皆曰上

岸擊賊洗足上船何用塢為呂蒙曰兵有利鈍戰無百

勝如有邂逅賊步騎感人不暇及水其得入船乎權曰

善遂築之曹公攻之不能破○嘉平四年諸葛恪于東

關作大隄遏巢湖左右依山夾築兩城各留千餘人使

全端留畧守之魏遣諸葛誕胡遵圍東關將壞其隄諸

葛恪率眾四萬大破之遂退○阮戶部東西關詩筇杖

芒鞋上短蓬半篙春水飽帆風兩關三寺山無數藏在

濠濠烟雨中○龔相詩南北安危限兩關迅流一名宦

去幾時還淒涼千古干戈地春水方生鷗自閒

周瑜

三國志本傳吳中呼為周郎以恩信著于廬江表

術欲以為將

方輿勝覽

七

劉知幾

唐人封居巢子

皇朝朱芾

字元章傳云善書畫初宣仁聖烈皇后在藩時母出入邸

中後以恩補校書郎嘗為太學博士擢禮部員外郎然元章性好石守無為日初到公廳適有一石甚奇元章

見大喜曰吾當以兄事之遂再拜未幾言陳瓘以論路有論其怪不可治民者撤廟薄其罪

謫揚州料院

李公麟

字伯時廬州舒城人自號龍眠居士有才名馳譽丹青元豐中為無

為司戶叅軍夏商以來鐘鼎尊彝皆辨測歎識撰百刻漏箭合古法度今燕接銅壺上刻吳道子所載者乃伯

時所製也

楚建中為守與文潞公者英會

呂夷簡

為

人物范增

鄴人年七十居

家好奇計。王介甫詩云鄴人七十謾多奇為漢文驅民了不知誰合軍中稱亞父直須推讓外黃兒

翁

廬江人嘗為蜀郡太守

朱邑

廬江人為大司農嘗為桐江嗇夫

皇朝焦蹈

無為人

四為舉首元豐八年  
魁多士六日而終  
左慈 廬江人嘗在曹操以銅盃貯  
水以竹竿餌釣于盃中引鱸

魚鱸之詳  
題詠掩映軍城隔水鄉  
林君復詩云云人煙  
物景共蒼蒼酒家樓

閣搖風旆茶客舟船簇雨樵殘笛遠砧聞野墅老苔  
寒檜看僧房狎鷗更有西湖興珍重江頭白一行  
山

橫大秀一峯高  
揚次公詩云云水  
入平湖千里遠

四六 疏榮禁掖 雖云小壘 惟吳魏相持之地  
分壘巢湖 乃是次邊 乃江淮至要之津

濡湏立塢素稱壁壘之雄  
外連肥水之衝足為保障  
淳化創軍實據江淮之險  
內護長江之險實固藩籬

州麾肅擁分千里以鎮臨  
人煙物景曾歸和靖之新篇  
地望雄誇建兩臺而對峙  
樓扁亭名尚洒元章之妙墨

安豐軍 壽春 安豐  
霍丘 六安

建置沿革

禹貢揚州之域吳地斗分野春秋時為六  
蓼國地後屬楚楚考烈王自陳徙都壽春

命曰郢秦漢屬九江郡東漢為揚州刺史治所魏即  
安豐縣陞為郡晉為淮南郡治壽春東晉為豫州刺  
史治所梁以壽陽為豫州隋曰壽州唐玄宗改壽春  
郡後復為壽州後唐陞為順化軍節度南唐改為清  
淮軍周平淮南徙壽州治下蔡以清淮軍為忠正軍  
自此州治始在淮北而舊州廢為壽春縣仍隸焉國  
朝因之後陞為壽春府紹興間陞  
安豐縣為軍今領縣四治壽春

事要郡名壽陽

風俗人習戰爭

伏滔正淮論其俗尚  
勇力而多勇悍其云

云而貴詐偽

文辭巧而少信

漢書地理志

形勝臯陶所封

晏類要臯陶子

孫封于英六皇覽云臯陶塚在六安縣春秋文公五年  
楚人滅六與蓼滅文仲聞六與蓼俱滅嘆曰臯陶庭堅

不祀  
古壽州地  
圖經宣撫使張浚劉子欲將壽春縣改

忽諸  
為壽春府以淮北壽春府為下蔡縣仍

隸焉其安豐軍却合改作縣使隸壽春府又云古壽春

在淮南自周世宗攻劉仁贍於此惡其險遂徙壽州治

于淮北下蔡是  
南引荆汝之利  
晉伏滔正淮論東連三

安豐即  
吳之富云云北接梁宋

平塗幾七百里西  
外有江湖之阻  
同上云云內  
有陂澤

援陳許水陸千里  
保淮淝之固

之饒  
宋地理志為淮南第一  
為要害之地  
郡縣志自東

都  
晉至唐云云

城郭如帛繞花  
宋武帝嘗登八公山劉安故  
山川霍山

臺曰  
天  
叢

元和郡縣志漢武帝以  
為南嶽遂祭其  
八公山  
在

神今其土俗呼南嶽  
以江南衡山為南嶽

春北四里苻堅伐晉望山上草木皆人形  
謝玄暉和

王著作  
詩二別阻漢城雙峭望河澳茲嶺復噴

屹分區奠淮服東限琅瑯臺西距益諸陸阡綿起雜樹  
檀藥蔭修竹日隱澗凝空雲聚岫如禎出沒眺樓雉遠

近送春日戎州昔亂華素景淪伊穀  
微管寄明牧謝玄長蛇固能翦奔鯨自此曝道峻芳塵

流業遙年運條平生仰令圖吁嗟命不淑浩蕩別親知  
連翩戒征軸再遠館娃宮兩去河陽谷風煙四時犯霜

雨朝夜沐春秀良大別山漢書云禹一在霍山硤  
已凋秋場庶能築縣圖經在安豐縣西南

石山寰宇記云兩岸相對淮水經中過山紫金山在壽  
上立二城以防津要故名為

或云即八公山○周顯德四年征淮太祖率青岡去壽  
殿前諸軍擊一連珠砦拔之遂平壽州春縣

三十里晉書謝玄敗苻堅于淮水經壽陽淝水東南自  
一死者如麻即此地也西壯安豐縣

界流入壽春界經縣北二里入淮○晉謝玄傳苻堅率  
兵次于項城衆號百萬詔以玄為前鋒都督諸軍衆凡

八萬進屯壽陽列陣臨淝水玄軍不得渡玄使謂苻融曰君遠涉吾境而臨水為陣是不欲速戰諸君稍却令將士得周旋僕與諸君緩轡而觀之不亦樂乎眾皆曰宜阻淝水莫令得上我眾被寡勢必萬全堅曰但却軍令得過而我以鈇騎數十萬向水逼而殺之融亦以為然麾使却陣眾因亂不能止于是玄與從弟琰中郎將柏伊等以精銳八千涉渡——決戰堅中流矢臨陣斬融堅眾奔潰自相蹈籍投水死者不可勝計——為之不流餘眾棄甲宵遁聞風聲鶴唳皆以為王師至獲堅垂與軍資寶皆山積

**逃蛟澗**

在六安縣舊傳

淝河有蛟為人害楚公子芊乙撮弓矢射之蛟走邑人德之為立廟

**芍陂**

在豐安縣東崔寔月令曰孫叔

敖作期思陂即此郡縣志周迴三百二十里灌四萬頃與陽泉陂大葉陂並孫叔敖作鄧艾修之淮廣陵等十鎮皆仰給于此疆場小吏堰在安豐縣魏武帝遣小吏何友憲聞因以為名後遣

大將宋玉劉昶攻壽春北齊豫州刺史桓崇祖乃於城西北立堰塞肥水堰北起小城使數千人守之及魏軍

薄攻小城崇祖決水勢奔下魏軍溺死甚衆遂逃走井泉吐泉在壽春縣東北十里入至

其傍大叫則大湧小叫則小湧亭院慶豐亭下瞰芍陂故名宦竇融漢封

侯時苗為壽春令牛生一犢留鄧艾魏邠陵薦公嘗屯之而去今有飲犢池于芍陂詳見前芍

陂劉仁贍南唐時李景稱臣割地而仁贍獨守壽春不下故治壽春世宗以其難尅遂徙下蔡而復

其軍曰忠正軍曰吾以旌仁贍之節也○漁隱叢話曰王旒游金陵昇元寺見房壁上有繪金紫大夫上題詩曰

陣前金牌生無愧鼓下蠻奴死合羞三尺生綃暗塵土凜然霜鷗欲橫秋不能解卷畫歸示其父平甫曰此

世弼詩也皇朝陳舜俞字令舉明鎬通判壽州薛基曾

致堯

嘗為兩浙漕諫議魏庠知蘇州介舊恩以進致堯  
奏劾其罪太宗曰是敢治魏庠可畏也知壽州

人物英布

六人臯陶之後

梅福

壽春人

名信臣

九江壽春人

陸贄

授鄭縣尉

省母歸至壽春刺史張鎰有名當時大加賞識既別鎰  
以貨泉為贖且曰願以此奉太夫人一日之膳——慙

辭之領新茶一串而已

皇朝呂夷簡

字坦老河南人祖龜祥知壽州因家于此仁宗皇帝朝拜

平章事封中國公 題詠風獵紅旗入壽春

劉禹錫寄揚壽州詩云滿城歌舞向朱

輪八公山下清淮水千騎塵中白面人

四六

簡求人傑彈壓邊城

塗芝禁掖分竹壽陽

昔為男國今號侯邦

春壽陽之小壘當淮右之要衝

南控荆湖之地北連梁宋之郊

犢池慕時苗之介芍陂懷鄧艾之功

分斗大之一州初無地險望公山草木之狀儼若旌旗  
禦風寒之萬里賴有人謀聞淝水風鶴之聲凜如鼙鼓  
方符秦率衆以來俄而大敗以孤城而當一面始歎其難  
自壽春移鎮之後罕此奇功及百戰而鮮重圍終知其勇  
精兵八千而破敵重達前代之謝立  
強敵百萬而解圍蓋有當今之杜預

### 濠州

鍾離定遠

### 建置沿革

禹貢揚州之域吳地斗分野塗山氏之國春秋時為鍾離子之國嬴姓徐子之別封

戰國屬楚秦併天下屬九江郡漢置鍾離縣屬九江  
莽曰蠡富縣東漢為鍾離侯國宋立徐州齊改西楚

州隋改濠州皇朝因  
之領縣二治鍾離

### 事要郡名濠州

郡志濠水中有石梁故名

### 臨濠

唐地理志濠州作  
濠天寶改從濠

### 風

俗性率真直

寰宇志云云賤商務農其食粳稻其衣純布地帶淮濠皆通舟楫

文詞並

興

錢文子修學記濠水之上江淮之間惠莊隱士昔所遊處淮南賓客集而著書流風所被云云非南北二

邊

形勝長淮橫其北

連南夫修城記濠之為城也一桐栢之流一一石梁會衆水之

流環其西兩水中注介于城闔

背渦口之曲流

魏王粲浮山賦云云兮望馬丘之高溼遺錄云

五代時渦口

阻滯帶山

郡縣志

舊有二城

昔魏中山王英圍鍾離梁韋徽

救之曹景宗募軍士賞救潛行水底得達東城則知州有東西城舊矣自建炎間連南夫作郡守謂濠水介于

兩城不合一始決濠水徑達于淮而不復介于城中城始為一矣

南北朝為重鎮

郡縣志

山川塗山

在鍾離縣西九十五里左傳昭公四年禹有之會杜預注在壽春東北今有禹會村

紹興亦有——未知孰是○蘇子瞻濠州——詩川鎖

支祁水尚渾地理汪罔骨猶存樵蘇已入黃龍廟烏鵲

猶朝禹會村左傳稱絲化為黃龍○蘇子由詩娶婦山

中不肯留會朝山下萬諸侯古人辛苦今誰信只見清

淮入荆山在鍾離縣西八十三里梁魏杏山在鍾離南

海流荆山爭戰時又築堰以灌壽陽杏山六十里世

傳董奉居此山畫山在鍾離西七十里崔確崔白李從

種杏為人治病升張藻晉郡人以畫名人謂此山

炳韭山在定遠縣東北四十里其山多韭繫年錄鍾離

靈人金人以孫興知濠州惟忠不從臨淮山一名浮山

僞命率眾歸節制劉位為左軍統領去鍾離九

十里山下有穴名浮山洞夏潦不能及而冬不加高故

人疑其浮也○蘇子瞻詩人言洞府是龍宮升降隨波

與海道共坐船中那得雲母山在鍾離南四十里出雲

見乾坤浮水水浮空母彭祖取服其上有廟

○蘇子瞻詩跨歷商周看盛衰欲將齒髮鬪  
蛇龜空餐——連——盡不見蟠桃著子時  
橫湖山在

遠西北七十里兵  
火中為屯禦之地  
濠水  
州臨——故名西——出濠塘山  
淮水

出桐  
柏山  
洛水  
出定遠縣  
下流入淮  
井泉  
漢泉  
在定遠縣世傳漢軍至此渴因大呼泉遂出

楚泉  
在定遠縣其流稍微  
○呂坦夫有  
堂亭  
威信堂  
在

治淳熙間守王回陞辭上諭  
曰守邊之道無出威信二字  
一品亭  
在子城西南隅遺

為郡判官作亭後文穆天聖初知濠州亭  
尚在公之孫仲徽守濠增大之遂名今廢  
脩然亭  
在倅

城上舊名觀瀾元祐中王雍為郡丞有言晉簡文遊華  
林園謂左右曰會心處不必在遠脩然臨水便有濠濮

間趣覺鳥獸禽魚自來親人當知  
濠自是佳處雍喜遂易亭名脩然  
三槐亭  
在倅廳通判

三槐在其側又以王欽若短李亭即四望亭唐李紳分司東路過濠州為作

呂夷簡曾懷皆為倅故名蘇子瞻詩頽垣破礎沒

記紳矮小時號因名蘇子瞻詩頽垣破礎沒柴荆故老猶言敢請使君重起廢落霞孤鶩換

新樓臺清雅樓張頤詩觀魚惠子臺蕪沒夢蝶莊生冢

銘樓臺清雅樓張頤詩觀魚惠子臺蕪沒夢蝶莊生冢

流觀魚臺在鍾離縣西南七里莊子遊于濠梁上見儵魚出游從容莊子曰是魚樂乎惠子曰子非

魚安知魚之樂耶莊子曰子非我安知我不知魚之樂耶蘇子瞻詩欲將同異較錙銖肝胆猶能楚越如若

信萬殊皆一理子逍遙臺在開元寺後唐開元中刺史

于其上蘇子瞻詩常怪劉伶死便埋豈伊忘館驛水

死未忘骸鳥鶩奪得與螻蟻誰信先生無此懷

館張祐濠州詩高閣去煩燠客心遂安舒清流中

浴鳥白石下游魚秋樹色凋翠夜橋聲裊虛南軒更

何待坐見  
玉蟾蜍  
橋梁望仙橋  
相傳藍采和登仙時人聚此  
古

跡夢蝶坊  
在開元寺之西  
○莊子云周夢為蝴蝶相相  
然蝴蝶也俄然覺則遽遽然周也  
不知周之

夢為蝴蝶歟  
蝶夢為周歟  
解帶石  
在清流門外昔項羽敗垓下投  
薛公薛公不納解帶飯石上而

去今清流門  
陰陵高適東征賦次靈壁之逆旅而垓下  
外有  
遺墟嗟魯公之慷慨聞楚聲而悒

于歌拔山而涕洟切霸國  
虞姬冢  
在定遠縣南今宿州  
以狼狽至  
以躊躇  
亦有墓相傳靈壁葬

其身此葬其首  
○蘇子瞻詩帳下佳人拭淚痕門前  
壯士氣如雲倉皇不負君王意只有虞姬與鄭君  
奕

壇  
在州西七里石臨河刻棋局又鑿  
渦口城  
去鍾離九  
穴可置棋子上刻唐人詩字甚古  
十里唐李

正已反張萬福馳至渦口恚發漕船相銜以進賊兵倚  
岸熟視不動郡縣志自貞元後西渦口置兩城刺史常

帶兩垂花塢在逍遙臺南十餘步上有樛藤垂花唐獨

條覆酒壺落花時與竹風俱歸來垂龍洲去州二十里

世宗征濠夜遣兵持炬乘橐駝絕淮斷梅谷周世宗征

二山乃濠州之朝岡有王者氣命名宦張萬福李正己

以一為濠州刺史名謂曰先帝改爾名正者所以

名萬福獨孤及為刺史歲飢賑貸隣皇朝梅詢詢仕于

守濠王文正公訪問之曰欲溫故耳文正曰當除一通

判伴讀于是呂申公夷簡通判州事今州治倅廳之兩

書之所有梅呂讀王旦王文正公旦呂文靖公夷簡尹公洙

皆為通守于此元祐四年通判王雍

刻石題名甚詳近世丞相曾懷趙抃清獻王欽若文僖亦嘗為倅議者謂倅廳多賢達

游酢

定夫先生並為守

人物莊周

為漆園吏墓在開元寺後

曾肅

吳人字子敬臨濠東

城人也周瑜為居巢長將數百人往見肅并求資糧肅家有米兩囤各三千斛乃指一囤與之肅嘗仕吳為橫

江將

皇朝郭延澤

知建州代還致仕居濠州城南傳寫書籍至萬卷號為書藏景德中遣使

詩其家取三館所闕書至三千卷以進

題詠傳語濠州賢刺史

黃魯直道中寄景珍

蕙簡庾元鎮云云隔年詩債幾時還

塗山廣大納萬國

王韶詩云云帝禹于此分江河

四六

乃春濠梁實臨邊境

昔為男國今乃侯邦

惟其當要害之衝所以重蕃宣之任

得塞翁之馬初亦何心觀莊氏之魚大過初望

古稱別駕率多公衮之曾遊今得名流可卜緹屏之必貴

地當邊徼敢論分虎之榮  
時急軍需何有觀魚之樂

自澆烽灌燧之餘久陶眷澤  
遂鑿井耕田之樂殆若中州

方輿勝覽卷四十八

欽定四庫全書

方輿勝覽卷四十九

宋 祝穆 撰

和州 歷陽 含山

建置沿革

禹貢揚州之域于天文直南斗魁下春秋戰國屬楚秦為歷陽縣隸九江郡漢屬淮

南國後屬九江郡而歷陽為治所後漢揚州移理于此三國吳為重鎮晉立歷陽郡宋為南豫州治歷陽

後齊立和州隋唐或為歷陽郡或為和州皇朝因之嘗兼管內安撫今領縣三治歷陽

事要郡名歷陽 風俗取協和之義

劉禹錫廳壁記云梁之亡也北齊圖

霸功擁正陽侯淵明以歸王僧辨來

迎會于茲地二國協和故以州名 男夫尚墾闢

同上云云

無即山近監之逸女工尚堅全無文章交錯之奇

無游人異物以遷其志

同形

勝內險之地

郭功父含山縣記方用兵時而含山為云云當江淮水陸之衝故銳師宿將嘗屯營

于實為要津

李白天門山銘梁山博望關扁楚潰夾據洪流云云城高而堅劉禹錫記

云云亞父所營

常留重兵

劉禹錫曰自孫權距六代云云

上岸擊賊

吳欲擊楚諸將曰云

云洗足

吳魏相持於此

晏類要南岸吳築城北魏置柵云云月餘

山川梅

山

在歷陽南五十里昔曹操指山上梅林軍士渴止蓋此山也○王安上詩將軍馬上設良謀遙望青山指

梅梁山

郡縣志在歷陽南七十里俯臨歷水侯景之亂梁王僧辯軍次蕪湖與景將侯子鑿戰于

大破之江東有博望山屬姑孰二山隔江相對如門南朝謂之天門山兩岸山頂各有城並王元謨所築自六

代皆于此  
屯兵扞禦  
**歷陽山**  
在歷陽縣西北四十里  
吳公山在

城北耒山之左世說有八仙人圍碁會飲于此  
故名張和謂仙風對公蓋一郡之勝槩  
雞籠山在

陽西北四十里道家第四十福地淮南子云麻湖初陷  
之時有一老母提雞籠以登此山因化為石今有石狀

如雞籠故名○劉禹錫詩陰陵山在烏江西北四十五  
雞籠為石顰龜眼入泥坑

**四潰山**  
在烏江縣西北三十里直陰陵山項羽既敗于  
垓下走至東城所從惟二十八騎漢兵追者千

餘羽乃引騎依濡須山在含山西南七十五里與無為  
此山為圓陣軍七寶山對峙中為石梁鑿石

通水山川險阻最為控扼之雄吳魏必爭之地陸士衡  
論孫權聞曹公來築此城塢拒之狀如偃月詳見無為

軍  
**華陽山**  
在含山縣北十八里本名蘭陵山下有華陽  
亭因名山有洞曰華陽至和初王介甫遊焉

洞有二前洞遊者甚衆後洞則介

南所遊寺僧言山嶺有天梯洞

石湖關紹興辛酉烏

浚以兵五千守一

敵遂遁去

大江

自岷山西南流過歷陽烏江三

水應

柵江

在歷陽縣

西南百五十里與無

歷湖

在歷陽縣

西三十里今謂之麻湖蓋訛為歷字○淮南子云歷陽之郡一夕為湖○劉禹錫詩憶昔泉源變斯湏地軸傾

烏江浦

在烏江縣東四里即

亭長艤舟待項王處當利浦

在州城東十二里

王渾遣人邀之濬曰風利

不得泊遂先入石頭故名

橫江浦

建安初揚州刺史劉

橫江孫策破之對江南

之采石往來濟渡處

淩溪

在歷陽西一里其源出金

道滴瀝落水崖蓋其流雖小而泠然也○王安上詩泠泠一帶清溪水遠遠來穿歷陽市涓涓出自碧湖中流

入楚江 井泉沸井 圖經在郡西百步郭璞筮云歷陽井當  
沸○劉禹錫詩——今無湧烏江舊有

名堂亭惠政堂 在郡治堂扁乃孝宗居青宮  
時親洒宸翰賜守臣胡昉 三老堂 元祐  
孫賁

建三老即劉摯傅堯俞范純仁也○胡彥國詩歷陽賓主

昔多賢三老風流二十年獬豸冠中曾補袞鳳凰池上迭

擊天雲陰軒 劉莘老詩古木無  
年歲新亭記舊樓 衣錦亭 劉莘老詩陰陰佳木  
與城齊襟袖迎風弄

晚曛凌雲亭 劉莘老詩軒宇憑虛出  
半天忽驚身寄碧雲端 水心亭 在三老堂前○  
唐張籍詩送客

特過山口堰看祠廟西楚霸王廟 在烏江縣東南二里號  
靈惠廟紹興辛巳金主

花多向—— 欲渡江乞杯玳不從大怒欲焚廟俄大蛇遶出屋梁殿後

林木中鼓噪發聲若數千兵金主大驚左右皆駭散○杜  
牧詩勝負兵家事不期包羞忍辱是男兒江東子弟多才  
俊卷土重來未可知○李山甫詩為虜為王盡偶然有何

羞見漢江船平分天下猶嫌少可要行人贈紙錢○王介甫詩百戰疲勞壯士哀中原一敗勢難迴江東子弟今雖在肯與君王卷土來○胡曾詩爭帝圖王勢已傾八千兵散楚歌聲烏江不是無船渡恥向東吳再起兵○許表詩千載興亡莫浪愁漢家功業亦荒丘

龍洞山廟

游文清九言禱雨辭

并序慶元庚申夏不雨燥風挾日播植蕉黃九言涖邑全椒徧禱莫孚或言烏江有龍洞山山出青蛇神龍之裔人多崇之因民之憂越境躬造自湯泉入山未百步有蛇而藍者道絕中道從者喜曰龍也凡禱雨類索于山幸遽得之勿失余疑焉夫山川吐雲霈為潤澤蓋天地陰陽之氣也人一氣相為流通精神懇惻乃有感動龍靈物能乘陰陽變化故言興雨必求之若可捕也龍其何神挹洞水足矣捕蛇非禮也既至酌奠甫畢忽顧石楯之上翠鱗驥首盤不盈握目光警耀若竚而竢衆亦驚怪奉以潔器雲陰護行空濛絲散用彰厥應明日飄潤

草木又明日簷溜璵瑀四民喜驩炷香再拜餞龍之日  
遂大傾注溪澗充盈豐登有兆嘗觀天下至毒螫莫過  
虺蟲江南有號青竹者脣細如筋螫人若針芒死者十  
九幸而一活肢膚已殘今蛇無異青竹唯弗傷人以手  
搦之夷猶不懼復能吸酒蓋形雖同而善惡遠甚茲為  
龍裔歟古今以來君子小人狀貌固同唯交際而情遂  
見蛇亦然哉蛇本螫類而慈祥若此是尤可敬異也已  
湯泉主僧道海曰蛇室洞傍弗捷弗獲今先五里而見  
其相迎也又知世雖我捐而神不余歎也既感龍君之  
惠迺為辭曰○山岢峨兮岩幽望君居兮大江流斂變  
化兮嵌竇起霈澤兮九州烏啾啾兮賜空鼓坎坎兮阿  
丘儼裔孫兮戾止吸卮酒兮嬉游謂余不來兮盍虔脩  
瀝泉瀦兮石冽老木毅兮枝樛古跡歷陽城劉禹錫歷  
御雲氣兮顯晦靈天矯兮千秋  
夕為湖地千年列郡名霸王迷路處亞父所封成漢置  
東南尉梁分肘腋兵本吳風俗剽蕪楚語音僖沸井今

無湧烏江舊有名土臺遊柱史石室隱彭鏗老君適楚  
有臺存焉彭祖石室在含山縣曹操祠猶在須濡塢未

平名宦范增封歷張萬福為和州刺史德宗謂劉禹錫

為刺史○白居易答劉和州詩換印雖頻會未通歷陽  
湖上又秋風不教才展休明代為罰詩爭造化功我亦

思歸田舍下君因厭卧郡齋中好皇朝范純仁為成都

相收拾為間伴年齒官稱約畧同  
失察僚佐燕遊劉摯為傅堯俞以論濮邸鄭居中為胡

左遷知和州宗愈為吳居厚太守為宰執游酢知和州人物紀瞻晉

自丹陽徙歷陽何蕃和州人朱泚反諸生將從亂蕃正

愈為張籍烏江人與韓愈游有宅在通淮門裏報恩寺  
傳是也有讀書處在縣西五里紫極觀後桃花

馮皇朝彭思永

明道程先生之母舅也明道年方十二三思永異之許妻以女其鑒裁賢于人

遠魏石歷陽人為監察御史會金入寇石勸高宗親征

矣魏石罷講和二字忤秦檜退寓常山僧舍十四年

沈文通皇祐魁

張孝祥紹興魁

題詠一夕為湖地

劉禹錫詩

云當利江頭寂僻州

傅堯俞寄王微之詩云

今年送君

守歷陽

蘇子瞻送呂希道知和州詩去年送君守解梁云云觀君崛鬱負奇表便合劍佩趨明光胡為

小郡屢奔走征鞍未解風帆張

四六

疏恩壯關分壘兩淮

捍禦邊頭既江山登覽之稀

亦井邑蕭條之甚

居四達之衝此為孔道

當吳魏戰爭之境實異偏州有兩山之峙茲乃要津居江淮來往之衝是為孔道

連屬邑須濡之城塢猶存堂標三老既推先達之曾來拱陪京采石之波濤不湧郡有雙魁可謂異才之間出

### 安慶府

懷寧

桐城

宿松

### 建置沿革

禹貢揚州之域為斗分野春秋時皖國區姓咎繇之後亦為舒國桐國之地皆為楚

所滅戰國時屬楚秦屬九江郡二漢屬廬江郡魏為重鎮梁置豫州陳曰晉州隋曰熙州後廢為同安郡

唐初為東安州改為舒州皇朝因之政和陞德慶軍紹興以康州陞德慶府改本軍為安慶軍又以寧宗

潛邸陞安慶府今領縣五治懷寧

### 事要郡名龍舒

郡縣志漢為廬江統縣十二有皖有潛有舒有——又云舒有五名舒——庸

舒舒鳩舒城其實一也又曰羣舒按合肥志今舒城縣屬廬州引春秋注且曰廬江南有舒城舒城西南有——

考 當 皖城 上見 桐城 同安 風俗 人性 躁勁 隋地理志云云 風氣

果 風土 清美 率性 真直 稷稻 之饒 經 圖 序 賤 商務 農 云 云

形 勝 其 山 深 秀 而 穎 厚 郡志云云 其川 迤邐 而 九 江 之 蕩 平 有 魚 鼈 麥 禾 之 饒

北 潛 山 賦 一 一 一 介 于 壽 春 合 肥 之 間 郡志 舒 附 楚 而 迫 于 吳 云 云

淮 服 之 屏 蔽 朱 綽 壁 記 云 云 江 表 得 之 亦 以 患 中 國 徐 錯

潛 山 詩 序 云 中 國 得 之 可 以 制 江 表 云 云 故 孫 權 克 皖 而 曹 魏 不 寧 世 宗 平 淮 而 李 氏 窮 蹙 山 川 潛

山 一 名 潛 嶽 在 懷 寧 西 北 二 十 里 魏 左 慈 居 此 山 有 煉 丹 房 皖 山 在 懷 寧 西 十 里 皖 伯 始 封 之 地 漢 地

理 志 與 潛 山 天 柱 峯 相 連 三 峯 鼎 峙 疊 嶂 重 巒 拒 雲 聚 日 登 陟 無 由 東 有 激 水 冬 夏 懸 流 狀 如 瀑 布 下 有 九 井

方輿勝覽

六

有一石牀可容百人其井莫知深淺若龍眠山在桐城西北

旱則殺一犬投其中即降雲雨犬亦派出十里又屬廬之舒城○黃魯直詩諸山何處是龍眠舊日龍眠今不眠聞道已隨雲物去不應只雨一方田

石鏡山在懷寧北其西有石裂皎然望之如玉鑑一名玉照○黃魯直詩仙人持玉照留在潛峯西

三祖山在郡西有唐三祖禪師志公塔主簿山在玉鏡山之東昔唐司

空山在太湖東北百三十里○李白避地司空原言懷詩南風昔不競豪華思經綸我則異于是潛光皖

水濱卜築司空原比將天柱隣雪霽萬里月雲開九江春俟乎泰階平然後託微身傾家事金鼎年貌可長新

所願得此道終然保清真景景日馭投子山劉興言

攀星戲河津一隨王喬去長年玉天賓詩三雄

分漢鼎郊野戰羣龍將軍偶敗此投子空山中○周美成詩緬懷曾將軍兵敗携部曲來投衲子衣解甲飯我

菽誰令名此山  
浮渡山  
在桐城東九十里上有三十五巖  
其可居可遊者三十六西南有獨

巖代有餘辱  
山直上千仞大江環遠望之若浮  
○夷堅雜志  
剎也巖名大通者居半山間視諸巖最勝泉瀑千仞真奇

觀也  
西硤山  
在桐城縣北四十七里  
呂蒙甘寧伐皖張  
遼救之至硤石聞城已拔乃退築  
天

柱峯  
在皖山高三千七百丈周二百五十里山東有瀑布  
漢武帝嘗登此山即司元洞府九天司命真君所主

也○獨孤及詩早歲慕五嶽嘗為塵機礙孰知  
與郡齋對漢皇南遊日望秩此昭配法駕到谷口禮容振

荒外燔柴百神趨執玉萬方  
大江  
在懷寧南百八十里中  
會如今封禪壇唯見雲雨晦

南湖  
在郡南舊名南園三面依  
城古木參天湖浸甚廣  
潛水  
出潛  
皖水  
自霍山縣  
流入經懷

寧縣北二里又東南流  
吳塘陂  
在懷寧南二十里皖水所  
注曹公遣朱元光屯皖大

開稻田呂蒙上言皖地肥美若一收熟彼衆必增宜早除之乃征皖破之此塘即朱元光所開也○王介甫封舒國

詩開國桐鄉已白頭國人誰復記前遊  
故情但有吳塘水轉入東江向我流  
堂閣靜山堂在郡園以

王介甫詩命名詩云皖城終日靜如山府掾應從到日閒  
一水碧羅裁繚繞萬峯蒼翠刻孱顏舊遊筆墨苔今老浪

走塵沙鬢已斑攬戀羨君  
橋北路春風枝上鳥關關  
英輔齋在太平寺東乃王禹

發解至登台輔  
守朱綽易此名  
天柱閣在郡園○郭功父詩羣山奔來

自作孤鳳吟潮  
浪時生三井水  
潛峯閣在倅廳乃王介甫  
擢秀閣在彰法寺

乃陳瑩中讀書之所自此  
登第黃魯直名而書之  
亭館橋公亭在懷寧壯即漢末橋公故居今

廢為雙  
涪翁亭在山谷寺  
西溪館在城西一里刺史呂渭所創帶山夾沼為

溪寺

一州勝處寺觀山谷寺

在懷寧西二十里梁大同二年以山谷名寺東北隅有三祖璨大師塔。

王介甫留題三祖

靡以旁園欲窮源而不得竟悵望以空歸○西北有石

牛洞其洞如牛唐李翱諸賢題詠甚多李伯時畫黃魯

直坐石牛上魯直因自號山谷道人仍題詩石上云鬱

鬱窈窈天官宅諸峯排霄帝不隔六時謂帝開闢鑰我

身金華牧羊客羊眠野草我世間高真衆靈思我還石

盆之中有甘露青牛駕我山谷路○又書小石橋下有

詩云司命無心播物祖師有記傳衣白雲橫而不渡高

鳥倦而神霄宮在桐城縣西南五里本為投子名宦周

猶飛大夫皖伯始封于此朱邑字仲卿少時為桐鄉齋夫廉平不

後病且死曰我故以桐鄉吏其民必愛我死奇所部吏民愛敬焉入為大司農

必葬桐鄉縣人為立生祠今有墓在縣西呂蒙初魏

元光大田皖城蒙建議攻皖拔之

拜蒙廬江太守又見吳塘陂注

陶侃領撰陽令有能名

獨孤

及權載之集其理舒州屬歲飢旱

而舒人不知凶年發廩賑貸

李翱為刺史

麴令

為望

禱雨即應百姓為之立祠後歿因葬焉○白居易詩我聞望江縣一撫惻嫠攀轅不得去留葬此江湄皇

朝樊若水

張編云若水江南人言事不報遂謀北歸先釣魚采石以小舫載絲繩以度江之廣狹開

寶中遂詣闕自言有策可取江南令學士院試賜及第授舒州團練推官如若水之策造大艦及黃龍船數千

艘將浮江

以濟也

王安石及為相又封舒國

黃庭堅

知州召為儀部

負外游酢為太

人物文翁

舒人為蜀郡守

周瑜

字公瑾廬江舒人孫策取荊州

以為中護軍攻皖拔之得喬公兩女策

納大喬瑜納小喬後破曹公于赤壁

李白安祿山反轉反宿松

匡盧

皇朝潘閔

劉貢父詩話閔字逍遙為詩有唐人風因得罪匿舒州潛山寺為行者題詩鐘

樓云頑童趁暖貪春睡忘却登樓打曉鐘孫李公麟黃

直有送李伯時歸舒州龍眠名賢徐鉉以直道忤世徐

詩則當為舒人又見廬州題詠古國羣舒地唐司空水部

俯字師川山谷之甥也崇觀間僑居同安題詠古國羣舒地唐司空水部

桐柏溪長二水流徐師川詩有云久留舒子國慣白水

千丈瀑徐師川詩云吳塘千頃波月黑虎夔藩容齋隨筆黃魯直

院詩汲烹寒泉窟伐燭古松根相戒莫得出云云按杜甫課伐木詩序云有虎必昏黑控突夔人屋壁所謂夔

抵觸之義蓋誤用之松竹二喬宅黃魯直築室皖公

晚對烟雨人家摘抽門獨秀司命  
峯衆邨遜高寒云云雪雲三祖山龍舒太守人中傑唐人

殷文圭詩云云風  
韻堂中心似月  
二十七峯常對門徐師川詩云云當時我自

愛桐鄉王介甫封舒國公詩桐鄉山遠復川長紫翠連城碧滿隍今日桐鄉誰愛我云云行問

嗇夫多不記王介甫到舒州答平甫詩云夜別江船曉解驂秋成氣象亦潭潭山從樹外青爭出

水向沙邊綠半涵云云坐論公瑾少能外邑官閒應得  
談祇愁地僻無賓客舊學從誰得指南

看潛峰羅隱送宿松縣傅堅詩云離江漠漠樹重重過長淮到宿松縣好也知臨皖水云云春生綠

野吳歌怨雲霽平郊楚酒濃留取  
餘波待張翰明年歸棹一從容

四六  
出鎮龍舒今號潛藩里閭不擾實為重鎮  
古稱佳郡市邑頗繁雖號次邊

荆羣舒之劇郡 唯此邦土之封 近居潛皖之旁  
控九江之奧區 昔者官遊之壤 密接光黃之境

皖伯古城立咎繇之祀 北連大霍乃司命之別宮  
潛峯勝地經漢武之游 南眺康廬寶衆真之靈洞

一麾出守寵分刺史之符 考于方志舊為楚國之附庸  
八柱承天實表元臣之象 驗彼民風尚有漢臣之遺愛

符分銅虎皆循吏之遺風 久陶聖化非復魯僖之所懲  
洞紀石牛有前賢之陳迹 積習仁風乃嘗朱邑之見愛

濱江為郡古稱沙脚之卑 真仙所游司命有集靈之宇  
建議築城今號石頭之固 禪林特盛祖師開說法之堂

蕪州 蕪春 蕪水 蕪梅  
廣濟 羅田

建置沿革 禹貢揚州之域楚地翼軫之分野春秋戰  
國並屬楚西漢為蕪春縣隸江夏郡三國

時屬魏吳為蕪春郡晉以為縣屬弋陽郡東晉改蕪  
春為蕪陽縣避宣太后諱也北齊置齊昌郡及羅州

後周改為蘄州隋廢為郡唐復為蘄州皇朝因之今領縣五治蘄春

事要郡名蘄陽

曹公與喬蕤戰于水之一

蘄春

風俗淳龐近古

李常廣濟寺記其

人一一而一一秀民樂於為儒

同上云云而不輕釋其業彬彬好學有鄉

曾遺形勝南距江

王之義蘄州舊治記云云北接光蔡西連黃岡東峙潛皖

左舒右

黃

張子師廣教院記蘄春古郡云云佳山秀水環絡千里有鼓吹白雲之勝

濱帶江淮

唐大詔令

李勣制蘄春之地云云

居江湖絕處

余章三泉堂記云云

占淮壖之上腴

關詠

神光觀記蘄西故封浣水故邑溪山重複云云

居三楚之中

史記楚文王徙都于郢江陵為西楚

云云土產蘄簞

韓愈謝鄭羣贈蘄詩蘄州笛竹天下知鄭君所寶尤瑰奇携來當畫不得卧一府爭

看黃瓊瑤體堅色淨又藏節滿眼凝滑無瑕疵法曹貧  
賤衆所易腰腹空大何能為自從五月因暑濕如坐深  
甑遭蒸炊手磨袖拂心語口慢膚多汗真相宜日暮歸  
來獨惆悵有賣直欲傾家貲誰謂故人知我意卷送八  
尺含風漪呼奴掃地鋪未了光彩照耀驚童兒青蠅側  
翅蚤蝨避蕭蕭疑有清風吹側身酣寢百疾愈却願天  
日常炎曦明珠青玉不足報贈子相好無時衰○白居  
易寄簾與元九詩笛竹出蘄春霜刀劈翠筠織成雙入  
簾寄與獨眠人卷作筒中信舒為席上珍滑如鋪薤葉  
冷似卧龍鱗清潤宜垂露鮮華不受塵通州炎瘴地此  
物最蘄笛劉禹錫武昌老人說笛歌武昌老人七十餘  
闕身蘄笛手把庾令相聞書自言年少學吹笛早事曹  
王曾賞激往年征鎮戍蘄州楚山蕭蕭笛竹秋當時買  
林恣搜索典却身上烏貂裘古苔蒼蒼封老節石上孤  
生飽風雪商聲五音隨指發水中龍應行雲絕曾將黃  
鶴樓上吹一聲占盡秋江月如今老去興猶遲音韻高

低耳不知氣力已無心  
尚在時時一曲夢中吹

山川蔡山

出大龜尚書九江納  
錫大龜即此山也

茶山

在蕪水縣北每  
年造貢茶之所

白雲山

在城北  
四里

盤龍山

在城南  
十五里

鳳山

在城北羅真人  
飛昇于此

靜明山

在城東  
三十里

三角山

在州北七十  
里有龍潭

四祖山

在黃梅縣北二十五  
里即大醫禪師道場

五祖山

在黃梅東北二十  
五里即大滿禪師

道場烏牙山

在黃梅東北五十  
里有靈峯院白居易  
張商英碑記存焉

練巖

在羅田縣  
西三十里

有瀑泉

大江

上接黃州過伍州  
巴河蘭溪下流入舒  
州宿松界

蘄河

源出大浮  
山謂之蘄

陽巴河

源出板  
石山

沛水

源出于  
雲山

蘭溪

在蘄水縣  
產竹之地

井泉三泉

余章一一記米芾書鳳山之陰蘭溪之陽有泉出石罅  
為蘭溪其在寺庭之除為陸羽烹茶之泉其在鳳山之

陰為逸少澤筆之井蘭溪于茶之品第三茶之所最宜  
王陸二水皆蘭溪一源耳在蘄水縣西蘇子瞻云游清  
泉寺洗筆泉水極甘○王元之題陸羽泉詩甃石封苔  
百尺深試嘗茶味少知音惟餘夜半泉中月留得先生

一片亭閣四見亭

在州北塔後

涵暉閣

在郡治子城之上○蘇子瞻在

黃客有道其勝而誦所賦霽容天在水春態柳藏橋之  
句先生欣然謂以態易色字此蓋賦也自是

平詩之名益著○郭功父寄題呈太守章子名宦負半千

為刺皇朝王元之

元之自黃州移蘄州聞啼鳥問其名或曰此名蘄州鬼元之大惡之未幾

果卒于蘄蘇子瞻作禽言詩云使君向蘄州更唱蘄州  
鬼我不識使君寧知使君死人生作鬼會不免使君已

老知范純仁

為殿中侍御史時議濮王典禮出通判安州徙知蘄州

人物吳公瑛

璞比部安道之子壯年以母憂服除遂致仕歸隱溫公贈以詩題詠下車書奏龔黃課

白居易寄蘄州李使君詩云云動筆時傳鮑謝風江郡謳吟夸杜母洛城歡會憶車公笛愁春盡梅花裏簞冷

秋生薤葉中不道蘄州歌 春風門外有紅旗白居易送酒少使君難稱與誰同 蘄春李十

九使君赴郡詩可憐官職好文詞五十專城未是遲曉日鏡前無白髮云云郡中何處堪携酒席上誰人解和

詩惟共交親開口笑 松花滿碗試新茶劉禹錫送李蘄州詩薤葉照人

呈夏簞云云

四六 疏榮禁掖 蘄陽古壘 內則牧民 當巖兵備 擢守邊城 淮右極邊 外而固圉 庸折邊鋒

雖仰官爐之羨 既郡計之空窮 粵由淮南行鐵以來 不勝偽治之多 亦兵威之單弱 以至蘄口置監而後

邊塵滿目每懷蹂躪之餘  
土產無奇篋特稱于薤葉  
郡政勞心尤切養痾之念  
泉源有品茶可試于松花  
處江湖之絕處據地則偏  
堅甲利兵抗方張之兵勢  
當淮甸之極邊恃人而險  
深溝高壘得固守之民心

方輿勝覽卷四十九